

MOLETLO WA DINAKA

 [Mokaulengwe o opela *Keresete Yo O Sirolotsweng*. Phuthego e opela *Dumela Fela*—Mor.] A re obeng ditlhogo tsa rona.

Morena, mo lobakeng lengwe go ne ga buiwa, ke barutwa ba Gago ba ba rategang, “Re rute go rapela.” Gonne fa re lemoga Modimo yo mogolo wa Legodimo, re lemoga ka fa re tlhaelang ka gone. Jalo he re rute go rapela, Morena, mo dipelong tsa rona jaanong, ka ntlha ya dilo tse—tse di tlaa nnang tse di mosola mo Bogosung jwa Gago le ka ntlha ya batlhanka ba Gago. Wena o itse letlhoko la motho mongwe le mongwe fano.

² Mme fano mo tafoleng, mosong ono, ke disakatukwi le dikhiba, le fela mephuthelo e mennye go tswa mo go tlhokeng thuso ya mo mmeleng, le ko gae, le eng le eng se go ka nnang sone. Fela Wena o Modimo, eibile Modimo a le esi, Modimo a le esi wa nnete yo o leng teng. Mme re Go kopa ka Leina la Jesu, Morwao yo o rategang, gore O tlaa fodisa mongwe le mongwe wa bana. Mme go ka nna ga bo go na le bangwe fano ba ba senang sakatukwi fano, kgotsa se se phuthetsweng, ba ba tlhokang phodiso.

³ Go ka nna ga bo go na le bangwe ko ntle go kgabaganya ditshaba, go dikologa lefatshe, ba e leng gore eibile theipi ena e tlaa kopana nabo ko magaeng a bone kgotsa dikerekeng tsa bone. Re tlaa rapela, Morena, gore fa tirelo e santse e tsweletse, kwa—kwa . . . kgotsa theipi e tshamekwang, kgotsa le fa e ka nna bonno bofe jo re ka bong re le mo go jone, kgotsa—kgotsa seemo, mma Modimo yo mogolo wa Legodimo a tlotle bopelophepa jona jwa dipelo tsa rona mosong ono, mme a fodise ba ba tlhokang, ba neele se ba nang le letlhoko la sone.

⁴ Re segofatse jaanong mo tirelong e e tswelelang e tla. Bua ka rona, jaaka go ise go nne pele, ntateng ya Bogosi jwa Modimo. Re letile, mo Leineng la Jesu, re direla karabo ya Gago. Amen.

⁵ (A o tlaa nthusa ka sena?) [Mokaulengwe Branham o tlosa dilwana mo felong ga therelo—Mor.]

⁶ Go molemo go nna fano mo kerekeng gape mosong ono. Mme ke ne fela ke bua le ditsala dingwe tse di fetsang go tsena go tswa Ohio, ko mosetsanyaneng, yo neng a tlisitswe golo fano dikgwedi di le mmalwa tse di fetileng, yo neng a swa ka lukemia. Batho ba ne ba humanegile thata, batsadi. Mme ga ke na nako mosong ono go bala bo—bopaki jo bo yang ka mo faeleng. Fela setshwantsho sa mosetsanyana ke seo morago ga malatsi a le mararo, ke a dumela e ne e le ene, morago ga a sena go rapelelwa. Dingaka di ne tsa mo naya fela malatsi a le mararo go tshela, mme mo malatsing a le mararo morago ba ne ba se kgone le e leng go bona

motlhala wa yone. Mme jalo he ena o ko sekolong, a itumetse thata. Ke tlhomamisitse gore kereke e gakologelwa fa re ne re na nae fano mo phaposing.

⁷ Mme gape leseanyana le le neng la tsalwa ka mala, jaaka, ka fa ntle. Ka tsela nngwe dingaka, le seemo se sennyse sena ka tsela e mala a neng a bopiwa ka yone, a ne a ka se kgone go busetswa morago gape. Ba ne ba boifa go ama selo se sennyse se, e ne fela e le leseya le le fetsang go tsalwa sešheng. Mme jaanong, mogoma yo monnye o godile go ka nna ngwaga, ke a fopholetsa, sengwe se se jalo, ka mala a a tlwaelegileng, sengwe le sengwe se itekanetse fela jaaka se kgona go nna ka gone. Ke fela lethlhogonolo la Modimo, gore Ena ke ka fa A leng molemo mo go rona ka gone.

⁸ Jaanong, gompieno, ke ne ke batlile go itsise gore bokopano jo re neng re bo rulaganya, ke neng ke rulaganya go ya ko go jone bekeng ena e e tllang ko—ko Aforika, ka koo le Mokaulengwe Joseph Boze, ko Kenya le Tanganyika. Rona ga re kgone go nna le bokopano, ka thelekeramo e boa go tswa go Mokaulengwe Boze, “Beke e e fetileng ba le bararo ba baanamisa tumelo ba e leng ba rona ba ne ba bolawa, ebile ba bolawa go ikaeletswe.”

⁹ Mme ba na le khuduego koo jaanong. Mme makomonisi a isa ditlhobolo ka sephiri ko bathong ba ba tsaletsweng koo, ba bua fa ba na le mekoro ya ditlhapi e e ntsetseng fa tikologong, Red China le Rashia; mme ba isa ditlhobolo ko bathong ba ba tsaletsweng koo, mme ga ba itse mo go botoka go na le fela go di dirisa mo sengweng le sengweng fela se ba bonang gore ba di dirise mo go sone. Jalo he, foo, go—go—goromento o ne a akanya gore ga go tle go nna botlhale go nna le bokopano ka nako ena. Mme jaaka ke tlhaloganya, gape, gore Mokaulengwe Boze ga a kgone le e leng go dira gore sekolo sa gagwe se bulwe mo kgaolong ena, kwa ke neng ke ya gone, ka nako ena. Fela jone ga bo a khutliswa, bo buseditswe fela morago go tsamaya ba kgona go go dira gore go sisibale gape.

¹⁰ Ke itumetse thata mosong ono go bona, mo gare ga rona gape, mo go se nneng teng ga dingwaga di le dintsi, Mokaulengwe Jackson, Mokaulengwe Sidney Jackson le Kgaitsadi Jackson, go tswa ko Aforika Borwa. A bone ba buile? [Mokaulengwe Neville a re, “Ee.”—Mor.] Mme batho bana ba ne ba le bakaulengwe le kgaitsadi ba me ba mmatota, le badiri mmogo ko letsholong ko Aforika Borwa, loetong lwa bofelo ka koo. Mo e leng gore, re tshepa gore letsatsi lengwe, ka lethlhogonolo la Modimo, re boele go nna le bone gape, gonne ke mo go tlhogegang.

¹¹ Mme ke ntse ke leka ka dingwaga di le ferabongwe go boela. Fela, ka ntata ya makgotla, le jalo jalo, ga ba tle go nttelelela ke boele. Jalo he ke ne ka ba kwalela lekwalo sešeng, mme ka re, “Fong mpe madi a mewa eo ya botho e e timetseng a nne mo go lona mme eseng mo nna.” Gonne, ke dumela gore Modimo o

ne a ntse a batla go dirisa bodiredi jwa me golo ka koo, go direla batho bao, go ntse go le nakonyana. Mme ka pharologanyo ya bone ya selekoko, ga ba tle go nttelelela ke boe. Fela, go siame, Morena o tlaa tlhokomela seo.

¹² Jaanong, se ke eletsang go se bua mosong ono, gore fa Morena a ratile, Mokaulengwe Neville o nkopile gore ke nne le ditirelo bosigong jono, le kwa Motlaaganeng. Jalo he rona . . . Lona lo laletswa golo koo. Mme fong Letsatsi la Tshipi le le latelang, Morena fa a ratile, ke tshwanetse go bo ke le fano, le gone; fong gongwe Malatsi a Tshipi a a latelang a le mabedi kgotsa a le mararo, ka ntsha ya go se nneng teng ga jona, e leng kemiso ya bokopano jona jo bo neng bo rulaganngwa.

¹³ Jaanong, re tlaa rata gape go bua, gore, ke rile gongwe re tlaa rera Dinaka tse Supa mo nakong ena. Re ne ra ipotsa fela ka foo re neng re ile go go dira mo seemong sa bogolo jo bo tlhaelang jwa kago e le go se nametseng ga taolo ya mogote le botsididi jwa phefo mo bonnong jo. Jone ga bo ise bo baakanngwe taolo ya mogote le botsididi jwa phefo. Mme re lekile go hira sekolo sena golo fano, se mogote le botsitsidi jwa phefo bo laolesegang mo go sone, se se nnisang go batlile go le . . . Ao, ga ke itse; ke bokgoni jo bo kgatlhisanjwa bonno jwa batho, sekolo se se siameng thata. Fela re ne re se kgone go bona sepe.

¹⁴ Mme, go tlaa dira, ba ne ba tlaa re naya beke e e tlang. Fela, beke e e latelang? Lo a bona, go na le baemedi ba ba tswang dikarolong tse di farologaneng tsa lefatshe; go tswa Jamaica, le go tswa Ditlhakatlhakeng, le go tswa borwa, le e leng ko Amerika Borwa, le Canada, le Mexico, le go kgabaganya ditshaba. Mme re ne ra romela kong dikitsiso ka Mosupologo, fong ga ba na go kgona go di bona go fitlheleng go ka nna ka Laboraro kgotsa Labonê; mme ba tloge ba tshwanele go kopa nako ya go se ye tirong, le jalo jalo, mo go tlaa go ntshang mo thulaganyong.

¹⁵ Dibeke tse di latelang, go tswelela, go fitlhela nakong ya sekolo, gone ke, o tlaa tshwanelo o tseye bosigo bo le bongwe, mme go tloge bo se nne teng gongwe bosigo bongwe kgotsa a le mabedi, bo tloge bo nne gape, fong . . . Re ne fela re ka se kgone go dira seo. O ne o ka se kgone go go dira.

¹⁶ Ke ne ka ipotsa gore gobaneng, fa ke ne ke rapetse ka bopelophepa. Mme fong go batlile e le nako gore rona re boeleng ko Arizona gape, gore bana ba ye ko sekolong. Mme fong rona . . . Ke ne ke bua le mosadi.

¹⁷ Mme, sentle, maabane ke ne ka tsena ka mo kamoreng, mme ke ne ka re, "Morena, nna—nna nka nna ka se dirise mafoko a le mantsi jalo, fela, tlhaloganya, tsweetswee, Modimo, se ke se ikaeletseng mo pelong ya me. Bothata ke eng gore sengwe le sengwe se a kganelwa mo go rerweng ga Dinaka tseo?" Mme fong O ne a tlaa mme a go senola. Mme jaanong, mosong ono, ke batla go bua le lona ka lebaka la gore gobaneng.

¹⁸ Mme jaanong a rona, ba re nang le Dibaebele mme re tlaa rata go—go, bula mo Dibaebeleng tsa rona. Re tlaa bula pele ko go Lefitiko, kgaolo ya bo 23 ya ga Lefitiko.

¹⁹ Fa Morena a ratile, bosigong jono ke ile go rera ka serutwa: *Go Ya Kwa Moseja Ga Bothibelelo*. Mme se tlaa bo se le se khutshwane, mme jalo he lo ka kgona go nna le nako ya go boela ko mafelong a lona ka ntsha ya tiro.

²⁰ Re itumetse go bona baeng mo teng, batho ba ba tswang ko ntle ga toropo. Ke batho ba le kae ba ba tswang kwa ntle ga toropo ba ba leng fano, fa re santsa re lebile? Masome a ferabongwe le botlhano mo lekgolong, eya, masome a ferabongwe le ferabobedi mo lekgolong a phuthego. Jalo he, lo a bona gore ga se Jeffersonville, ke batho ba ba tllang ka mo Jeffersonville, ba ba dirang... Re fano ka letlhogonolo la Morena.

²¹ Mme jaanong ke batla go bala mafelong a le mararo, mosong ono. Legwe la one lee fitlhelwa mo go Lefitiko kgaolo ya bo 23, mme le lengwe le mo go Isaia 18, le Isaia 27, lona ba lo le tshwayang.

²² Mme jaanong mo boemong jwa go rera... Morena fa a ratile, ke tlaa dira seo bosigong jono. Fela ke batla go ruta, mosong ono, ka ga moletlo wa dinaka tse supa. Mo e leng gore, kgwedi ena ke moletlo wa dinaka tse supa, go simolola... mme mo e leng kgwedi ya bosupa, mo go tlaa nnang Phukwi ka di 15, e ne e le tshimologo ya moletlo wa dinaka, mo melaong ya Balefi.

²³ Jaanong, mme fa lo na le dipampiri tsa lona le dilo, mme lo eletsa go kwala Dikwalo le ditemana, le jalo jalo, jaaka re tswelela.

²⁴ Go na le selo se le sengwe mo bokopanong jona, go mogote, mme rona re tlwaetse seo go ralala dingwaga. Fela mongwe a ka nna a akanya gore ke dumela gore fa re tsena ka mo kagong ena e re emisa nako, gongwe, le mo go seripa, mo Bosakhutleng go le seripa, tsela e ke diegisang batho ka yone. Ga ke go kae gore go nne ka tsela eo. Fela ke dumela gore re tshela kwa go leng gaufi thata le go Tleng ga Jesu, gore ke tshwanetse ke dirise tshono ya motsotsotso mongwe le mongwe o ke kopanyang batho ga mmogo.

²⁵ Mme ke ne ke akanya, jaaka ke ne ke kgweetsa go fologa ka tsela kgantele, ke neng ke tswetse thapelo e nnye fela pele ga ke tsena mo felong ga therelo, jaaka moruti ope yo o peloophepa wa mmannete a dirang. Ke ne ke akanya, “Lo a itse, re na le nako e e galalelang bogolo go feta fa re kopana fano ga mmogo! Fela, mme batho ba phuthega ba tswa mo mafatsheng a le mantsi, ba dutse gone teng fano jaanong, go tloga kgakala kgakala, makgolo le makgolo a dimmae, mme re phuthega ga mmogo go abalana fa tikologong ya Lefoko. Fela go tlaa tla nako, segautshwaneng, motlheng sena se tlaa nnang fela kgakologelo e e rategang.” Go jalo.

²⁶ Dinako tsena di tlaa tlosiwa mo go rona, jalo he ke gone ka moo re tshwanetseng go dira gotlhe mo re itseng go go dira, go dira ona, motsotsotso mongwe le mongwe, o nne le mosola. Mme akanya ka ga sena jaanong, fa re santse re boga mo mogoteng wa moso. Mme, lo a itse, mmele mongwe le mongwe wa motho wa nama ke mo—motšhinê o o tlholang mogote, ka boone, mme go go dira bokete thata mo go lona. Mme, fela ke batla lo tlhaloganyeng Lefoko.

Jaanong, fela pele ga re—re bala, a re rapeleng.

²⁷ Morena, go batlide e le motho mongwe le mongwe teng fano yo o ka kgonang go tsamaisa diatla tsa gagwe, a ka kgona go bula matlhare a Baebele ena. Fela go na le a le Mongwe mo gare ga rona mosong ono yo o ka E bulang; moo ke Mowa o o Boitshepo o mogolo, o o leng mo gare ga rona. Re bulele Lefoko, Morena, jaaka re bala, jaaka O dirile ko barutweng, jaaka ba ne ba tsamaya mo tseleng ya bona go ya Emause, mme wa simolola go ba tlhalosetsa Dikwalo. Mme mma rona, fa re tloga, re bue jaaka bao ba ba neng ba boela ko Jerusalema go tswa Emaose, “A dipelo tsa rona ga di a ka tsa tuka mo teng ga rona jaaka A ne a bua le rona mo tseleng?” Gonne ke ka Leina la Jesu re go kopang. Amen.

A re emeng ka tshisimogo mo Lefokong.

²⁸ Jaanong, serutwa sa me mosong ono ke: *Moletlo Wa Dinaka*. Ke batla go bala jaanong go tloga mo temaneng ya bo 23 ya kgaolo ya bo 23 ya ga Lefitiko.

Mme MORENA ne a buwa le Moshe, a re,

*Bua le bana ba Iseraele, o re, Ka kgwedi ya bosupa, le
ka letsatsi la ntlha la kgwedi, lona lo tla nna le sabata,
segopotso sa go letswa ga dinaka, pitso e e itshepileng.*

²⁹ Jaanong, mo Bukeng ya ga Isaia, go simolola ka temana ya bo 1 ya kgaolo ya bo 18, mona go lomagantsha mona ga mmogo.

*A tatlhego wee ya lefatshe le le sirilweng ke diphuka,
le le leng kwa moseja ga noka ya Ethiopia:*

*Le le romelang baemedi ka lewatle, le e leng dikepe
tsa dikoma mo metsing, ba re, Yang, lona barongwa
ba ba difadima, ko setšhabeng se se gasameng... ba
ba borethe, go tswa mo bathong ba ba boitshegang...
setšhaba se se nyerolositsweng ebole se shobtolilweng,
se lefatshe la sone dinoka di le faraferileng!*

*Mme lona lotlhe banni ba mo lefatsheng, le baagi mo
lefatsheng, lona lo boneng, fa a tsholetsa sesupo mo
thabeng; mme fa a gelebetisa lonaka, lo utlweng.*

³⁰ Mo go Isaia 27:12 le 13.

*Mme go tlaa diragala mo motlheng oo, gore MORENA
o tlaa photha loungo go tswa mo moeding wa noka go*

ya kwa metsweding ya Egepeto, mme lo tla phuthega ka monokela, Ao tlhe lona bana ba Iseraele.

Mme go tlaa diragala mo motlheng oo, gore lonaka le legolo le tlaa letswa, mme lo tla tla lona ba lo ipakanyeditseng go nyelela mo lefatsheng la Asiria, le balatlhiwa mo lefatsheng la Egepeto, mme lo tla obamela MORENA mo thabeng e e boitshepo kwa Jerusalema.

³¹ A re rapeleng gape. Morena, segofaletsa Mafoko ana mo dipelong tsa rona. Mma dikakanyo tsa rona le tlhatlhanyo ya rona e nne go ya ka thato ya Gago. Ka Leina la Jesu. Amen.

Lo ka nna lwa dula.

³² Go na le dilo di le dintsi thata tse modisa phuthego a tlaa ratang go di bolelela phuthego ya gagwe e a e ratang, ya batho ba ba farologaneng go tswa mafelong a a farologaneng, tse di neng di sa tle go lettelelwaa ka ntsha ya nako.

³³ Jaanong jaaka re atamela serutwa sena, re batla gore lo ikutlwae le gololesegile. Mme ba le bantsi ba lona lo eme; mme jaaka ke ne ke tla ke feta, mahalahala a ne a tletse, le ko ntle ga mejako, le ko pele, le go dikologa kago, le go dikologa dipota. Jalo he, jaanong, fa lo batla go tshentshana ditilo, moo go tlaa bo go siame thata.

³⁴ Jaanong, *Moletlo Wa Dinaka*. Jaanong, mona e ne e le go phuthega ga Iseraele, kwa ba neng ba phuthega ga mmogo, moletlo wa dinaka.

³⁵ Jaanong, ke ntse ke solo fela nako nngwe go—go bua ka serutwa sa Dinaka tse Supa mo Bukeng ya Tshenolo. Mme jaanong re ile go tlhatlhoba sena, motsotsa fela, go ntsha lebaka la mmannete la me la gore ke se bue ka nako ena, ka gore Mowa o o Boitshepo o ne o sa rate go ntetla gore ke bue ka nako ena ka dilo tsena. Ke a itse moo go utlwala go le bonyana thata, gongwe, ko bathong ba thutego e kgolo le tlhaloganyo, fela mo Mokereseteng go farologane. Re—re latela ketelelo pele ya Mowa, seo se le esi.

³⁶ Jaanong, ke ne ka simolola go lemoga kwa therong ya Dipaka Tse Supa Tsa Kereke, mo e leng phe—phethene, kgotsa polelelopele ya tsotlhe tse Modimo a neng a ile go di direla dikereke, le go ralala dikereke, le go di tlhomfa bonnong.

³⁷ Dikgaolo tsa ntsha tse tharo tsa Buka ya Tshenolo di senolela Kereke ditiragalo tsotlhe. Fong, go tloga mo kgaolong ya bo 3 go ya ko kgaolong ya bo 19 ya Tshenolo, ga go sa tlholwa go bonwa Kereke gope. Kereke e tlhatloga kwa kgaolong ya bo 4 ya Tshenolo, mme e boele morago kwa kgaolong ya bo 19 ya Tshenolo, Monyadiwa le Monyadi, ga mmogo, ba tla mo lefatsheng. Mme fong go tloga mo kgaolong ya bo 19 go ya ko bokhutlong jwa kgaolo ya bo 22, gotlhe go mo Mileniamong le se

se tlaa nnang mo dingwageng tse di tshwanetseng go go latela. Mo nakong ya ya bo 4 go ya go ya bo 19, Modimo o berekana le Iseraele.

³⁸ Jaanong, fong, nako e re weditseng ka buka ya tshenolo ya kereke, se Modimo a se dirileng ko dikerekeng tse supa tseo, tse ka nako eo di neng di le mo boseeng jwa tsone, kgotsa moriting wa tsone, ko Asia Minor. Fong Mowa o o Boitshepo o ne wa senola wa bo o re bulela masaitseweng otlhe teng Koo, ka fa A tlisitseng Kereke ya Gagwe go ralala ditso. Mme fa o sena *Dipaka Tse Supa Tsa Kereke* mo theiping, go tlaa bo go siame fa o ne o di reeditse. Mme segautshwaneng di tlaa bo di le mo popegong ya buka.

³⁹ Fong re go tlogela fela mo go seo, mme re akanyetsa gore morago ga sebaka re tlaa rera ka Dikano, ke neng ke sa itse se Dikano di neng di le sone.

⁴⁰ Ke ne ke na le mogopololo o e leng wa me, jaaka modiredi mongwe le mongwe a dira, mo go baleng gongwe se banna ba bangwe ba se buileng; mme ke neng ke dumela thata ka fa ke neng ke kgonka ka gone, le bone, mo dilong tse ba di neng ba tsere tshweetso, ka ga phetso ya bone. Ke ne ke badile buka ya ga Rrê Smith, Uriah Smith, yo e leng moruti wa mo Adventhisti, mme ke ne ke badile tsa gagwe—dikakanyo tsa gagwe ka ga gone. Mme ke ne ke badile Rrê Larkin. Ke ne ke badile, ao, di le dintsi thata tse di farologaneng, tsa dikakgelo tsa bone ka ga Sena. Fela, ka tsela nngwe kgotsa e sele, ke ne ke akantse gore ke ne ke na le mogo—mogopolonyana ka ga gone, ka bona, o o ka bong o le mo mafelong o farologane. Fela ke neng ke leka nako nngwe, go bua fela dirutwa di le tharo, sa ntsha... kgotsa dirutwa tse nnê tsa bapagami ba banê ba dipitse. Ke ne ka rera ka yone masigo a le manê, a le mongwe mo pitseng e le nngwe, le e nngwe.

⁴¹ Fela fong fela pele ga go diragala, ke ne ka newa ponatshegelo, e e leng mo theiping, jaaka lotlhe lo itse, *Borra, Ke Nako Mang?* gore ke tshwanetse ke ye ko Tucson, Arizona. Mme koo ko moragorago ga sekaka, godimo ka ko thabeng, kwa ke neng ke na le bakaulengwe bangwe, mme ka bolela ka ga leratla le legolo le le neng le tlaa thunya, mme nna... Baengele ba le supa ba ne ba fologa. Nna ke neng ke akanya, ka bona, gore e ne e le bokhutlo jwa botshelo jwa me; ne ka bolelela mosadi wa me go kopana le Billy, le se a tshwanetseng go se dira ka bana, le jalo jalo, go fitlhela re kopana gape ko letlhakoreng le lengwe.

⁴² Fong letsatsi lengwe ko Sabino Canyon, fa Modimo a ne a mpiditse go sale maphakela mo mosong golo koo, ke ne ke tlhatlogile ka diatla tsa me mo phefong, ke rapela, mme tshaka e ne ya tla mo diatleng tsa me. Lo itse seo. Ke ne ka ema foo mme ka e leba, go le fela mo go tlwaelegileng jaaka seatla sa me se ntse jaanong, ke neng ke sa itse se go neng go se raya. Mme e ne ya ntlogela ka Lentswe le le neng la re, “Ena ke Tshaka ya

Kgosi." Mme fong, morago, nako e Moengele wa Morena a neng a go senola, E ne e le Lefoko ka mo seatleng.

⁴³ Ka bonako morago ga seo, Baengele ba Morena ba ne ba bonala mme ba bolela ka ga Dinaka tse Supa...kgotsa Dikano tse Supa, gore ke ne ke tshwanetse go boela fano mo Jeffersonville mme ke rere Dikano tse Supa. Mme, foo, fa nkile ka bua sengwe se se neng se tlhotlhleditswe, e ne e le mo go seo. Koo kwa Moengele wa Morena a neng a kopana le rona, mme Baebele e ne ya fetoga ya nna Baebele e ntšhwa. Foo E ne ya bulega mme ya senola dilo tsotlhе tse batokafatsi le dilo ba neng ba di tlogetse. E ne e le tshenolo e e feletseng ya ga Jesu Keresete, e le gotlhelele e ntšhwa mo go rona, e le fela ka boitekanelo totatota le Lokwalo. Moo e ne e le Lefoko le le tlhotseng le ntse jalo. Ke ne ke tlhotlhleditswe thata ebole ke kaetswe.

⁴⁴ Fong fa ke tla mo karolong ena fano, ya go rera Dinaka tse Supa, ke ne ka akanya, "Sentle, ga ke tle go leka go akanya sepe. Ke tlaa leta fela go fitlhela nakong eo mme ke Mo letle a go ntshenolele." Mme fong maabane fa ke ne ke...Ke ne ka tsena mo kamoreng mme ka ipotsa gore goreng...Kgotsa, ke kopa lo intshwarele, e ne e le letsatsi pele ga maabane. Fa ke ne ke tsena ka mo kamoreng, go leka go tlhaloganya, e ne e le foo mo e leng gore Mowa o o Boitshepo o ne wa bula sena, go ntshupegetsa lebaka le go sa solegeleng molemo le e leng ntateng ya Kereke ka nako ena, ka gore ga go na sepe se se amanang le Kereke, gotlhelele.

⁴⁵ Jaanong, masaitseweng a a fitlhiegileng a ga Keresete a ne a senolwa ka botlalo mo Dikanong tse Supa.

⁴⁶ O ne wa senola, pele, Dipaka Tse Supa Tsa Kereke, wa bula dipaka mme wa di baya fa bonnong, tsoopedi ka ditso le ka Baebele, mme wa di tlhomma mo maemong, ka fa di neng di ntse ka gone. Mme re iphitlhela mo pakeng ya bofelo ya kereke, re le Paka ya Kereke ya Laodikea, e e neng e le e etleegetseng go tlhoka boammaaruri bogolo go feta thata ya dipaka tsotlhе tsa kereke. Le e leng go tloga mo go yone ya ntsha, go tloga mo go Baefeso, e ne e le paka e tona ya kereke.

⁴⁷ Mme fong ka fa, fano, Mowa o o Boitshepo o neng o nnaya ponatshegelo, ebole ke neng ke bona se se tlaa diragalang, ke ne ka taka mo bolekeborotong, dingwaga di le pedi tse di fetileng. Gone ke mona fa godimo fano mo setshwantshong, ya ka ga ka fa e leng gore Lesedi le ne le nyelela ka bonya mo lefatsheng, mo go tlaa nnang totatota tsela e Lesedi le tlileng ka yone mo lefatsheng, e le Efangedi, le ka fa Le neng le tlaa nyelelela ka bonya mo teng le kwa ntle. Ke neng ke sa go itse, ka nako eo, se go neng go se raya le ka fa go neng go tlaa nna ka gone.

⁴⁸ Fela lefatshe le legolo la ekumenikele le ne la nna le bo—bokopano le Roma; mme Roma, e leng mmaagwe makgotla otlhе. Mopapa, lekgetlo la ntsha mo ditsong, o ne a tlogela Vathikhene

mme a ya ko Jerusalema le mafelong a le mantsi. Jaanong, Jerusalema ke setulo sa bogologolo sa bodumedi jotlhe jwa rona, ke Jerusalema. Mme mo setulong sena sa bogologolo, mopapa go tswa Roma, yo e ntseng e le mmaba yo mogolo go feta thata wa Kereke nakong tsotlhe, o a tloga a tla ka kwale go etela Roma . . . kgotsa go tswa Roma go ya Palestina, Jerusalema.

⁴⁹ Mme jaaka re bona, ke sa rutegang, ka bona, ke sa itseng ma—mafoko le ka fa ke tshwanetseng go a bua ka gone, nna ka gale ke ruta ka ditshwantsho, ka ditshwantshiso tsa tlholego. Tlholego e tlaa latela tlholego. Tlholego ke ya Modimo.

⁵⁰ Fa o tsaya nako fa dikgomo, mo nageng, di phuthega tsotlhe ga mmogo mo kgogometsong ya tshimo, ntsha thapo ya gago ya ditlhapi mo metsing; ditlhapi ga di tle go loma. Ga o kitla o di tshwara; lo a bona, dikgomo di ikhuditse; ntleng le fa go diragala gore o fologelete gone mo bolaong jwa e le nngwe. Fela fa dikgomo di simolola go ja, elang tlhoko. Nako e e tshwanang e dikgomo di dirang seo, dinonyane le tsone di tlaa ya kwa dithhareng; di tlaa tlogela go ja. Lo a bona, ke tlholego. Tsone tsotlhe di a tsamaisana. Wena o lemoge dinotshi, ka nako eo, di bokaboka mo godimo ga tsina ya tsone, di sa e kgobokane. Tlholego yotlhe e a berekisana.

⁵¹ Mme ke gone ka moo, jaaka fa re bona setlhare se diga letlhare, mo segautshwaneng thata jaanong, mo dikgweding tse di latelang di le mmalwa, letlhare le tlaa tloga mo setlhareng. Mme bo—botshelo, matute, a tlaa fologela ka mo moding. Mme letlhare la setlhare le tlaa wela faatshe le bo le wela mo mmung le bo le bola. Mme khalesiamo le—le photashe, mme yone e mo letlhareng la setlhare, e tlaa bolela mo mmung. Mme go diragetse eng? Botshelo bo ne jwa tswelela pele ga lone, mme se tlaa bo gopela gone kwa morago ka mo go sone, se bo se busa letlhare leo gape. Ke loso, phitlho, le tsogo.

⁵² Mme tlholego yotlhe! Mme ngwedi ke mo—ke mosadi wa letsatsi. Ke lesedi le botlana. Mme fong, gape, gore fa letsatsi le ile, mo boseyong jwa letsatsi, ngwedi e bonatsa lesedi mo lefatsheng, mo e leng setshwantsho sa kereke. Mme fa mopapa a tloga, mmaba wa bogologolo wa kereke, mme a tla ka ko Jerusalema, o e leng setulo sa kereke; o e leng, Jerusalema yo moša le Jerusalema wa kgale; re a lemoga, pele ga go go dira, go ne ga nna le bontsho jo bo feletseng jwa ngwedi.

⁵³ Mme mo dipampiring, go kgabaganya setšhaba jaaka re na le gone mo borotong, go ne ga supegetsa ka fa e leng gore ngwedi eo e ne ya fetoga go tloga leseding go ya lefifing. Mme yone ponalo e e gakgamatsang ya gone, gore ngwedi oo o ne wa tshwantsho totatota, mo mawaping, selo se se tshwanang se Mowa o o Boitshepo o neng wa ntira gore ke se tshwantshe fano dingwaga di le pedi tse di fetileng, mme ke supegetsa se . . . ke apesitse se . . . Erile go ya ditshwantshong di le thataro, ke ne ka baya sa bosupa

teng moo, ka gore paka ya bosupa ya kereke, moriti fela wa Lesedi, go tsamaya ga... Ke kwa Jesu, fa mojakong, a kokotang. Fela e tsena ka mo lefifing le le feleletseng.

⁵⁴ Mme a moriti, a Molaetsa go tswa go Modimo ka Sebele, gore dilo tsena ke Boammaaruri! Ne a go supa pele mo Lefokong la Gagwe, ga tloga ga nna ka Mowa fa seraleng, mme a tloga a go bolela ko magodimong. Ga go na phoso epe ka ga gone gotlhelele. Dikano le Dipaka tseo di mo tolamong ka boitekanelo, ka boitekanelo, Modimo a neela bosupi ka ditshupo tsa bofetatlholego le dikgakgamatso, ka Lefoko le ditso, tsotlhe di beilwe ga mmogo, mo pakeng e jaanong re tshelang mo go yone.

⁵⁵ Jaanong go bokete gore dikereke di bone sena. Go bokete gore makoko a go bone. Ba tlhola ba leka go akanya gore o leka go omania batho. Ga o dire; o leka go tlhagisa batho. Ga se go leka go nna bosula mo go bone; o leka go ba tlosa mo bosuleng. Ga se batho mo makgotleng; ke tsamaiso e ba leng mo go yone, e e ba atlholang. Batho ba ba tshepafalang, ba ba peloephepa ke Makhatholike, Moprotestante, Mojuta, le eng mo gongwe. Ke batho ba nama ba—ba...

⁵⁶ Baitlami ba sesadi mo kerekeng ga ba ye ko kagong ya baitlami ba sesadi mo kerekeng go nna basadi ba ba bosula; ba ya teng koo go nna basadi ba ba siameng. Ba leka go atamelgaufi le Modimo, fela ke tsamaiso e e ba kgotlelang. Batho ba ipataganya le kereke, eseng go nna motho yo o bosula, fela go nna motho yo o molemo. Fela ke tsamaiso ya kereke e e ba tlosang mo Lefokong le dithaegong tse Modimo a di thaelang motlha ona; mme seo ke se se ba ntshetsang ko ntle.

⁵⁷ Jaanong gakologelwang, Modimo ke Lefoko, mme paka nngwe le nngwe O e abetse Lefoko la paka nngwe le nngwe e e tlaa nnang mo lefatsheng. O ne a Le abile mo pakeng ya kereke, mme Dikano tse Supa di ne tsa senola bonnyennyane bongwe le bongwe jwa Lone. Lo a bona?

⁵⁸ Goreng go ne go na le... a go ne go na le masaitseweng a a neng a santse a fitlhilwe? Tshenolo 10, re fitlhela gore, kwa bokhutlong jwa Molaetsa wa moengele wa bosupa, gore, masaitseweng ana a a nnileng a fitlhiegile a tlaa senolwa, Tshenolo 10:1 go ya go 7. Lemogang, lebaka ke ka gore go ne go sena baporofeti ka nako ya paka ena. Baebele ne ya re, gore, "Modimo ga a dire sepe go fitlhela A se senolela baporofeti ba Gagwe, batlhanka ba Gagwe, baporofeti." Mme Lefoko la Morena mo dipakeng tsotlhe le tlhotse le tla ko baporofeting, ga go ise go nne ko tsamaisong, ga go ise go nne ko setlhopheng.

⁵⁹ Modimo ga a ise a dirise setlhophpha. Nako nngwe le nngwe fa setlhophpha sepe sa batho se ne se rulaganya, Modimo o ne a se tlogela mme ga a ise a ko a boe. Phuruphutsang ditso mme lo boneng fa moo go le jalo kgotsa nnyaya. Re setse re go dirile. Ga

A nke a bereka le tsamaiso kgotsa setlhophha, morago ga ba sena go rulaganya; go kgatlhanong le Modimo.

⁶⁰ Ke gone ka moo, mo nakong ya ditokafatso, go ne ga tsena batokafatsi, jaaka Dikano tse Supa di ne tsa tlhomamisa gore go ne go ntse jalo. Fela mo metlheng ya bofelo jaanong, go ne go tshwanetse go senolwa gape. Ka gore, re fitlhela mo Lekwalong, mo go Malaki 4, gore go tshwanetse go nne le tlotso e e fologang mme e tsosolose gape Tumelo eo ya kwa tshimologong, “le go busetsa tumelo ya batho ko pentekosteng ya kwa tshimologong, Tumelo ya borara.”

⁶¹ Mme re ne ra tsaya Elia wa tiragalo ya ntlha; re ne ra tsaya Elisha go mo latela; re ne ra tsaya Johane Mokolobetsi morago ga moo, yo neng e le Elisha wa motlha oo; le tsholofetso ya e nngwe mo motlheng ona.

⁶² Jaanong, Johane Mokolobetsi o ne a se Elisha wa Malaki 4. O ne a le Elisha wa Malaki 3. Jesu ne a rialo. “Bonang, Ke roma morongwa wa Me fa pele ga sefatlhego sa Me, go baakanya tsela.” Re mo fitlhela a le yoo.

⁶³ Jaanong, ka go dira jalo, mo go batleng maemo ao, re a itse gore Lekwalo lotlhe le le setseng, le tlhotlhelieditswe ke Modimo, le re senolela gore re mo motlheng wa bofelo.

⁶⁴ Jaanong, fa ke tla ka molaetsa wa Pentekoste, ke tlaa bo ke le mo Pakeng ya Kereke ya Laodikea, mme go tlaa bo go sa nepagala.

⁶⁵ Leo ke lebaka le Wesele a neng a se kgone go tsaya molaetsa wa ga Lutere. Lutere o ne a le mo pakeng e le nngwe, pakeng ya kereke, mme Wesele o ne a le mo pakeng e nngwe ya kereke. Fa Jesu a ka bo a ne a tlide mo mo...ka molaetsa wa ga Moshe, go ka bo go ne go sa bereka. Fa Moshe a ka bo a ne a tlide ka molaetsa wa ga Noa, go ka bo go ne go sa bereka.

⁶⁶ Fela Modimo o abetse ba Gagwe—ba Gagwe—batho ba Gagwe, ba paka nngwe le nngwe, Lekwalo. Mme pele ga paka e ka tla go nna teng, ka mo nakong, fong dikereke di go tlhakatlhakantse thata gore tsone—tsone ga di itse kwa di leng gone.

⁶⁷ Leo ke lebaka le ba palelwang go lemoga Jesu e le Morwa Modimo. Bone, dingwao tsa bone di ne di foufaditse matlho a bone, fela O ne totatota a le mo tolamong le Lokwalo.

⁶⁸ Baporofeti ba ne ba tshwana. Jesu ne a re, “Ke ofeng wa lona, wa borraeno, yo o neng a se kgobotletse baporofeti bao ba ba neng ba rometswe ko go lona?” Fong Modimo o romela moporofeti wa Gagwe, ko...mme moporofeti ke Lefoko la Modimo le le tshelang, le bonaditswe.

⁶⁹ Jesu ne a re, “Lo ka Nkgala jang, go re, ‘Nna ke Morwa Modimo,’ mme lo bitsa, mo melaong e e leng ya lona...Lo ne lwa re, bao ba Lefoko la Morena le neng le tla kwa go bone,”

ba e neng e le baporofeti, “lo ba biditse ‘medimo.’ Mme bone ba jalo, gonne Dikwalo ga di kake tsa se diragatswe,” O ne a rialo. “Fong lona lo tlaa Ntshekisa jang?” Fa A le . . . Ba ne ba le karolo ya molao, ba ne ba le karolo ya Lefoko la Modimo, fela Jesu o ne a le botlalo jwa Lefoko la Modimo. Leano lotlhe la gagwe la thekololo, bokgoni jotlhe jwa Modimo, bo ne bo le mo go Ena.

⁷⁰ Mme jaanong, go ralala dipaka tsa kereke, ba dirile mo go tshwanang. Mme Dikano tse Supa di tshwanetse go senola masaitseweng otlhe a a neng a tlogelwa ka nako eo, ka gore ga re na baporofeti, mme Lefoko ga le tle mo batokafatsing. Baporofeting!

⁷¹ Modimo ga a fetoge. Mo go Malaki 3, ne a re, “Ke nna Modimo, mme ga Ke fetoge.” Tsela ya ntlha ya Modimo ya go dira sengwe, eo ke tsela ya ka metlha yotlhe ya Modimo ya go dira sengwe le sengwe. Modimo ne a tsaya tshwetso gore O ne a tlaa boloka motho ka Madi a a tsholotsweng a Yo o senang molato, ko tshimong ya Etene, mme ga A ise a go fetole esale, ebile ga a kake a go fetola. Re lekile, ka thuto, ka dikago, ka ditsamaiso, ka makoko, ka maitseo a mantle, le sengwe le sengwe se sele, mme gothle go paletswe. Fela go lefelo le le lengwe fela le Modimo a kopanang le motho gone, moo ke, mo tlase ga Madi a a tsholotsweng a Ba ba senang molato. Fela ka Madi! Eo e ne e le tshwetso ya Gagwe ya ntlha. Lo a bona?

⁷² Re ka dira tshwetso, mme ngwaga o o tlang re ka akanya mo go botoka. Re na le mogopolo o o botoka wa gone, ngwaga o o tlang. Modimo ga a kgone; Ena ke yo o senang selekanyo. Tshwetso ya gagwe ya nthla e itekanetse; ga go sepe se se ka e sutisang. Nka ithuta mo gontsi; rona re ba ba nang le selekanyo. Nka ithuta mo gontsi; o ka ithuta mo gontsi. Fela Modimo a ka se gone go ithuta mo go fetang; O itekanetse, le go simologa. Mme, ke gone ka moo, tshwetso ya Gagwe ya ntlha, tlhomamisa mowa wa gago wa botho mo go yone. Se Baebele e se buang, ke sone!

⁷³ Modimo o tshwanetse a atlhole lefatshe letsatsi lengwe. Mme Mokhatholike a re O tlaa le atlholka kereke ya Khatholike. Fa moo go le jalo, ke kereke efeng ya Khatholike? Di farologane, nngwe mo go e nngwe. Fa o ya go le atlholka ya Protestante, ke kereke efeng ya Protestante? Tsone di a farologana, nngwe mo go e nngwe. Mme go tlaa bo go tlhakatlhakantsha gannyennyane; ga go ope yo o tlaa itseng kwa a tshwanetseng go ema gone. Fa Momethodisti a nepile, Mobaptisti o timetse. Fa Moprotestante a nepile, Mokhatholike o timetse; Mokhatholike o nepile, Moprotestante o timetse.

⁷⁴ Fela Baebele ne ya re O tlaa atlholka lefatshe ka Jesu Keresete, mme Ena ke Lefoko. Fong, O tlaa le atlholka Lefoko.

⁷⁵ Mme makoko otlhe a tloga mo Lefokong leo, go dira ditumelo tsa bone tsa kereke. Ke kopa fela ope go ntshupegetsa kwa ba

tsayang Lefoko le le tletseng. Ga ba kgone go go dira, ka gore go laolwa ke tsamaiso ya motho. Kwa o nang le motho . . .

⁷⁶ Modimo ga a ise a ko a dire fa e se le motho a le mongwe ka nako e le nngwe. Ga a ise ebile a nne le baporofeti ba le babedi ka nako e e tshwanang. A le mongwe! Modimo a ka nna le monna a le mongwe mo seatleng sa Gagwe. Ga a bereke ka lona . . . lekgotla la lona; O bereka ka wena.

⁷⁷ Jaanong, mo thaegong eo, re tla mo moletlong wa dinaka, masaitseweng a a fitlheleng. Go porofetilwe gore go ne go tshwanetse go nna ka tsela eo, ke gone ka moo go neng go tshwanetse go senolwa ka tsela e go neng go ntse ka yone. Fela go senolwa mo motlheng ona wa bofelo, go diragatsa totatota se ke fetsang go se bua, Malaki kgaolo ya bo 4, Luka kgaolo ya bo 17 le te—temana ya bo 30, ka fa A tlaa go dirang ka gone, le Bahebereg 13:8, Bahebereg 4:12, le di le dintsi tsa Dikwalo tseo tse di re bolelelang. Jaanong, fa moo go le seeng mo go bangwe ka lona, mma ke bue gore Modimo ka gale . . . Tsela e Modimo a itsiweng ka yone mo gare ga batho ke ka boporofeti.

⁷⁸ Bajuta ba ne ba tlhola ba itse gore ba tshwanetse go dumela baporofeti ba bone. O ne a re, “Fa go na le mongwe mo gare ga lona, Nna Morena ke tlaa bua nae ka ditoro tsa semowa le ka diponatshegelo. Mme, se a se buang fa se diragala, fong mo utlweng.” Ba ne ba tlhola ba . . .

⁷⁹ Ke ka fa ba neng ba palelwa go lemoga Jesu, mme ba ne ba tshwanelo go Mo kaya e le sengwe se sele, jalo he ba ne ba Mo dira mowa o o bosula, “Beelsebule,” ka gore O ne a kgona go lemoga dikakanyo tse di neng di le mo dipelong tsa bone. Re tlhola re itse gore moo ke sesupo sa Lefoko.

⁸⁰ Bahebereg kgaolo ya bo 4, temana ya bo 12, ne ya re, “Lefoko la Modimo le bogale go feta tshaka e e magale mabedi, ebile ke molemogi wa dikakanyo le maikaelelo a pelo.”

⁸¹ “Mogang Ena Mowa o o Boitshepo a tlaa tl Lang mo go lona, O tlaa le gopotsa ka dilo tsena tse Ke di buileng, ebile o tlaa le supegetsa dilo tse di tshwanetseng go tla.”

⁸² “Modimo mo dinakong tse di farologaneng, ka mekgwa ya mefutafuta,” Bahebereg 1, “ne a bua le borara ka baporofeti, mo metlheng eno ya bofelo ka Morwae, Jesu Keresete.” Modimo yo o tshwanang, ne a fetoga fela go tloga baporofeting go ya ko Morweng. Ke gotlhe. Lo a bona? Ka gale Molaetsa o o tshwanang, tsela e e tshwanang ya go go dira.

⁸³ Jaanong, go porofetilwe gore dikereke di tlaa bo di le mo seemong sena, di tshwanetse di busetswe morago gape. Mme O ne a re, mo go Malaki 4, gore O tlaa “romela Elia moporofeti, mme o tlaa busetsa ba—batho morago gape,” ka ba . . . a go tlise. Lemogang. Mme fela pele ga . . . Kgotsa, gone morago ga Molaetsa wa gagwe, go tlaa nna le nako e lefatshe le tlaa tukang ka yone, mme basiami ba tlaa tsamaya mo godimo ga melora.

⁸⁴ Jaanong, ko moithuting mongwe wa bodumedi le ditumelo yo o ka nnang a bo a reeditse mo theiping, golo gongwe go dikologa lefatshe, fa lo akanya gore yoo e ne e le Johane, gakologelwang, fong, Dikwalo di phoso, gonne lefatshe ga le a ka la ša morago ga molaetsa wa ga Johane. Jesu ga a a ka a tla mme a isa batho ko Mileniamong; fela O soloeditse go go dira morago ga Mowa wa ga Elia o sena go tla mo lefatsheng gape.

⁸⁵ Lemogang jaanong mo go Malaki 4, re bona fano gore sena se tshwanetswe se diriwe gore se tsosolose (eng?) tumelo ya batho morago ko go borara ba kwa tshimologong, Thuto ya pentekoste, borara ba kwa tshimologong. Mme o tlaa busetsa batho morago ko go borara.

⁸⁶ Re fitlhela mo go Luka 17, Jesu ne a bua gore fa A ne a tla mo methheng eno ya bofelo, Luka 17:33, re fitlhela gore Jesu ne a re, “Jaaka go ne go ntse ka gone mo metlheng ya ga Lote, go tlaa nna jalo kwa go tleng ga Morwa motho, mothang Morwa motho a senolwang.”

⁸⁷ Jaanong lemogang, O tla ka leina le le gararo la morwa. O tla ka leina la Morwa Dafita . . . Kgotsa, Morwa motho, Morwa Modimo, Morwa Dafita.

⁸⁸ Jaanong, O ne a tshwanetse go tla e le Morwa motho, ka gore O ne a le Moporofeti. Jehofa, ka Sebele, ne a bitsa baporofeti, “morwa motho.” Mme Jesu ga a ise a Ikae e le Morwa Modimo. O ne a Ikaya ka sebele, ka gale, e le Morwa motho. Mme lemogang, O ne a Itshenola ka nako eo e le Moporofeti, Mmoni. Ne a re, “Fa Ke sa dire ditiro tsa ga Rrê, fong lo sekä lwa go dumela.” O ne a kgotsofatsa tlhaloso nngwe le nngwe e go neng ga buiwa ka ga Ena mo Lekwalong, le e leng mo losong lwa Gagwe, phitlhong, tsogo; Papolo ya Gagwe, tsalo ya Gagwe, tsotlhe. Mme mo tirong ya Gagwe, O ne a kgotsofatsa tlhaloso ya Mmoni, Morwa motho.

⁸⁹ Jaanong O senotswe go ralala dipaka tsa kereke, jaanong elang tlhoko, go ralala dipaka tsa kereke, e le Morwa Modimo. Modimo a leng Mowa, Mowa o o Boitshepo, O ne a Itshenola mo dipakeng tsa kereke jaaka, mo phuthegong, e le Mowa o o Boitshepo mo gare ga batho.

⁹⁰ Re fitlhela gore, mo Pakeng ya Laodikea ya Kereke, paka ya bofelo ya kereke, O kobiwa mo kerekeng. Ga go gope go sele mo A kileng a ba a kobiwa, mo pakeng epe, fa e se mo Pakeng ya Laodikea. “Ka gore, ba ne ba re, ‘Re humile ebile ga re na lethhoko la sepe.’ Mme ga lo itse gore lona lo serorobe, lo humanegile, ga lo a ikatega, ebile lo foufetse, mme ga lo go itse.” O ne a kobiwa mo pakeng ya kereke.

⁹¹ Mme fong, go ya ka Luka 17, O ne a re, “Jaaka go ne go ntse mo metlheng ya Sotoma, go tlaa nna jalo mo go tleng ga Morwa motho.” Jaanong, O ne a bala Genesi e e tshwanang e re e balang. Lemogang, kwa Sotoma, se se diragetseng. E ne e le eng ko Sotoma? Aborahame . . .

⁹² Go tlhola go na le ditlhophha di le tharo tsa batho. Go ne go na le Aborahame, moitshenkedwi le yo o bileditsweng ko ntle, ko ntle ga Sotoma ka sebele. Go ne go na le Lote, leloko la kereke, kgotsa motho wa lekoko, golo koo; o ne a fetoga go nna karolo ya lefatshe leo, ka go nna ratoropo wa motsemogolo, a ne a nna mo kgorong; o ne a le moatlhodi, yo e leng ratoropo. Mme go ne go na le Sotoma, ka boyone.

⁹³ Jaanong, fa nakong ya maitseboa, kgotsa bogareng jwa letsatsi, fa Aborahame a ne a le fa tlase ga moeike wa gagwe, Baengele ba le bararo ba ne ba bonala kwa go ena. Ba le babedi ba bone ba ne ba fologela ko Sotoma, mme ba rera Efangedi mme ba leka go ba biletsha ko ntle. Ba ne ba sa tle go go dira; ba ne ba sokamisitswe. Lote, le mosadi wa gagwe, fela, le ba le babedi ba barwadi ba gagwe, ba ne ba simolola go tswa. Mme mosadi ne a fetoga pinagare ya letswai.

⁹⁴ Fela Ena yo neng a sala mme a bua le Aborahame, yo Aborahame a mmiditseng, "Elohim, Mothatiotlhe." Genesi 1, "Modimo! Ko tshimologong, Modimo," Elohim, ena—ena Yo o Kgonang go dira Tsotlhe, ena Yo o Itschedisang. Aborahame ne a Mmitsa, "Elohim." Mme O ne a dula fatshe a bo a ja le Aborahame; O ne a nwa; O ne a le mo nameng ya motho. Mme elang tlhoko sesupo se A se neileng Aborahame.

⁹⁵ Jaanong, ba ne ba soloftse morwa yo o tlang, morwa yo o soloftsweng, Isaka. Dingwaga di le masome a mabedi le botlhano, mo loetong le le lee, ba ne ba go soloftse, fela ba ne ba le kwa bokhutlong jwa loeto. Modimo o ne a bonagetse mo dipopegong tse dintsi, jaaka A dirile go ralala dipaka tsa kereke, mo Maseding, le jalo jalo, jaaka A ne a bua le Aborahame, le ka mantswe. Fela pele fela ga morwa yo o tlang a ne a goroga... . Jaanong re ne ra go lebelela, mme lo a itse nna ke boelela fela, go lo tlisetsa sena. Gore, O ne a fetola mmele wa ga Aborahame le Sara, ka bonako morago ga sena, gore ba tle ba amogege morwa.

⁹⁶ Lemogang, tshupo ya bofelo e ba neng ba nna nayo, pele ga morwa a ne a goroga, e ne e le Jehofa a bua le bone mo popegong ya motho. Mme ka fa ba neng ba itse gore mona e ne e le Jehofa, ke ka gore O ne a re, "Abraham," eseng Abram. Fela malatsi a le mmalwa pele, Modimo o ne a fetotse leina la gagwe. "Mosadi wa gago o kae, Sarah?" Eseng S-a-r-r-a; fela S-a-r-a-h, "mohumagadi."

Mme Aborahame ne a re, "O ka mo tanteng, kwa morago ga Gago."

⁹⁷ Mme O ne a re, "Nna," moo ke leemedi la motho, "Ke tlaa lo etela go ya ka tsholofetso ya Me. Ka nako ya botshelo, malatsi a le masome a mabedi le boferabobedi a a latelang, sengwe se ile go diragalela Sara."

⁹⁸ Mme Sara, mo tanteng, a nyenya mo teng ga gagwe, mme a bua mo pelong ya gagwe a re, "Sena se ka nna jalo jang,

ka ke tsofetse; mme ke je monate le morena wa me, yo gape a tsofetseng, Aborahame?"

⁹⁹ Mme Moengele, kgotsa, Monna ne a re, "Gobaneng Sara a ne a bua seo mo pelong ya gagwe?" Mo tanteng fa morago ga Gagwe! "Goreng a ne a re dilo tsena ga di kake tsa nna jalo?" Lo a bona? Motho mo nameng ya motho, jaaka moporofeti, le fa go ntse jalo E ne e le Elohim i a lemoga kakanyo e e neng e le mo pelong ya ga Sara, fa morago ga Gagwe.

¹⁰⁰ Mme Jesu ne a re, "Jaaka go ne go ntse ka gone mo metlheng ya ga Lote, go tlaa nna jalo kwa go tleng ga bokhutlo jwa lefatshe, motlhang Morwa motho," eseng Morwa Modimo, "motlhang Morwa motho a tlaa bong a senola."

¹⁰¹ Ne ba ise ba nne le gone go ralala paka. Lo bona tswelediso e e itekanetseng eo ya Lekwalo? Ke fano re tshela mo go yone. Masaitseweng: le e leng ga kolobetso ka Leina la Morena Jesu, mme kgakala le mogopolo wa Oneness; le dilo tse dingwe tsena, ka fa Mowa o o Boitshepo o neng wa tlhotlheletsa seo mo teng mme wa go supegetsa ka boitekanelo; le Kolobetso ya nnete ya Mowa o o Boitshepo, Sesupo, le sengwe le sengwe, mme wa se tlhomamisa; le ka fa A tlhomileng motokafatsi mongwe le mongwe le sengwe mo bonnong, fela totatota. Mme, lo a bona, gone fa pele ga matlho a e leng a rona, mme ga se mo kgogometsong. Ke mo go itsiweng lefatsheng. Jesu, Morwa Modimo, a Itshenola ka Dikwalo, a dira Lekwalo leo (le le tlhomamiseditsweng pele mo motlheng *ona*, jaaka go ne go ntse mo motlheng *ole*, le malatsing *otlhe a mangwe*) le tshele. Mme go Le dumela, ke bosupi jwa Mowa o o Boitshepo.

¹⁰² Tshiamo, ga o kake wa bitsa fela gore "go ya kerekeng" ke bosupi jwa Mowa o o Boitshepo. Fa o dira, fong Bafarasai bao ba ne ba na le Gone. Lo a bona? O ka se kgone go bitsa "go tshikinyega kgotsa go tlola" e le . . . Fa o dira, baheitane ba na le One. Fa o re "go bua ka diteme," ke efe—ke efe kobamelo ya diabolo e e sa bueng ka diteme? Mpolelele ka ga e le nngwe.

Mokaulengwe Jackson yo o dutseng fano go ya Aforika, go tswa Aforika, a ka kgona go go bolelela seo. Ke ile ka ya ka ko dikampeng tsa Maindia fano, ka bona baloi ba basadi le baloi ba banna ba itshega, mme ba tshele madi a e leng a bone, mme ba bue ka diteme; mme—mme ngaka ya moloi e go phutholole, ebole ke ba bone ba baya pensele faatshe e bo e kwala ka diteme tse di sa itseweng. Jalo he moo ga se Gone. Fela fa gone . . .

¹⁰³ Bosupi jwa nnete ke eng? Jesu ne a re, "Gore lo dumela gore Nna ke Ena." Mme Ena ke Lefoko.

¹⁰⁴ Goreng ba ne ba sa Go tlhaloganye? Goreng Bajuta ba ne ba sa Go tlhaloganye? Ba ne be le basiami; ba ne ba le batho ba ba siameng; ba ne ba le batho ba ba boitshepo, mme go ne go na le mehuta yotlhe ya batho; fela, ke ko go ba ba tlhomamiseditsweng pele go utlwa Lefoko!

¹⁰⁵ “Mme o itse jang gore a ke Lefoko? Mongwe le mongwe ka nosi o bua sena.”

¹⁰⁶ Ke tsholofetsa ya Baebele e rurifadiwa ya paka eo, ke lona bao, fong lo boela kwa Mowa o o Boitshepo o leng gone. Elang tlhoko modumo wa Lonaka mo metsotsong e le mmalwa, se Lo se bolelang. Lonaka, Lonaka lwa Efangedi, lo boneng gore ke mang yo o ka Le utlwang. Gakologelwang, bao ba ba neng ba le ko metseng e e ageletsweng ka dipota ba ne ba sa kgone go tswela mo tuduetsong. Nnyaya, rra. Ba ne ba le mo teng ga dipota; ba ne ba nna foo. Go ne go wetse; ba ne ba le makgoba botshelo jotlhe jwa bone, mme ba ne ba tshwanetse go tshwaiwa. Jaanong jaaka re bona ditshwantsho tsotlhe tsena, lemogang.

¹⁰⁷ Jaanong, ditiro tsena, Malaki 4, le tsotlhe tsena, le Bahebere 13:8, “Jesu Keresete yo o tshwanang maabane, gompieno, le ka bosaeng kae,” O sala e le Lefoko ka bosafeleng, Lefoko le bonaditswe. Moo ke totatota se A se boleletseng baporofeti phatlalatsa. *Moporofeti* ga a kae fela “mmoni kgotsa mmoleledipele;” go raya “mosenodi wa Lefoko le le kwadilweng.” Mo botshelong jo e leng jwa gagwe, ditiro tse e leng tsa gagwe, di a senola ebile di rurifatsa Lefoko la motlha oo; jaaka Noa a ne a aga areka; Moshe golo koo; le fa e ka nna eng mo gongwe; le moporofeti ope: Lefoko le le solofeleditsweng oura eo.

¹⁰⁸ Jaanong re a itse gore O na le rona. Re dumela seo. Lo bona Lefoko la Gagwe le bonatswa, ka ditshwantsho, ka Dikwalo, ka go bolela phatlalatsa ko Legodimong, mo lefatsheng, sengwe le sengwe se sele se A se buileng. Ga go nako e le nngwe e go neng ga palelwa. Ke kopa motho ope go ntshupegetsa, go tswa dikarolong tse di farologaneng tsa lefatshe, kgotsa gotlhe mo lefatsheng, wena o-wena o tlamegile go nkwalala mme o mpolelele, kwa nako e le nngwe e go kileng ga palelwa. Go itekanetse, lefoko ka lefoko, jaanong, moo ke tsholofetsa.

¹⁰⁹ Goreng A ne a tshwanetse go bonala mo metlheng ena ya bofelo? Fa lo boela morago, mme lona baretsi ba ditheipi, ko *Setlhareng sa Monyadwi*, mme le bue ka ga kwa Keresete a neng a le gone, Setlhare sele se se neng se le ko tshimong ya Etene. Atamo wa ntlha yo neng a wa; mme Atamo yona wa Bobedi o ne a kgaolwa ka boleo. Ba ne ba Mo kaletsa mo setlhareng sa Seroma, mme go tswa mo go seo go ne ga ntsha... ne ga tswa Setlhare sa Monyadwi se A se solofeditseng, mo re go bonang mo Dikwalong, jaanong, gore re tle re bone Monyadiwa.

¹¹⁰ Jaaka phiramiti, ka fa e tlang mo bobotlanyaneng ka gone nako yotlhe, go tswa kwa bophareng jo bogolo; go tswa mo go Lutere, Wesele, Pentekoste, mme fong lentswê la tlhora mo godimo ga lone le loaditswe thata, mme lengwe le lengwe la mantswê ao le lomagantswe ka boitekanelo thata. Mme ga re itse ka nako e ka fa ba go dirileng ka gone, fela gone go lomagantswe

ka boitekanelo thata mo phiramiting eo! Mme ga re thutong ya phiramiti jaanong, rona fela re . . .

¹¹¹ Enoke le bone ba ne ba e aga, dingwaga tse di fetileng, mme e emetse sekai. Go tshwana fela le ka fa letsatsi le tlhabang ebile le phirimang ka gone; fela go tshwana le jaaka setlhare se tlhotlhora lethhare la sone—la sone, mme le boe gape; jaaka tlhapi, le dikgomo, le sengwe le sengwe se sele se go tshwantsha. Phiramiti eo e eme e le setshwantsho.

¹¹² Tsena ka mo kamoreng ya moporofeti mme o ele tlhoko direpodi tse supa tseo. Ke kae kwa mo—molebeledi a neng a kgatlhantsha kgwetlho go tlisa yo o tlang ka mo pele ga kgosi? Kwa godimo ga direpodi; ne e le mo kgatong ya bosupa. Foo go supegetsa gore re tshwanetse re tle gape ka Mowa o o tshwanang oo o o neng o le mo go Johane; o ne a itsise Mesia. O ne a le mogolo go gaisa go na le baporofeti botlhe; o ne a Go itsise. Mme re tshwanetse re tle mo lefelong, gape, ko sengweng se se ileng go itsise Mesia.

¹¹³ Mme Mesia o tlaa dira jang . . . batho ba ba Mo dumelang ba a go itse ntleng le fa bona ka metlha le metlha ba le mo Lefokong, go itse se A leng sone! Daniele ne a re, “Ba ba botlhale ba tlaa itse; fela ba ba boeleele, ba ba senang botlhale, ba ka se itse. Ba tlaa itse Modimo wa bone.” Jaanong, jaanong, ka fa A tla bonalang mo metlheng ya bofelo, ke ka go busetsa batho ko Lefokong, gore Monyadiwa a tle a itse Monna wa Gagwe, a itse Mmata wa Gagwe, Lefoko le le senotsweng. Ke sone se sena se tshwanetseng go diragala.

¹¹⁴ E ne e se mo batokafatsing; e ne e se mo go Lutere, Wesele, le—le Mapentekoste, le bone. Lokwalo la re go ne go se jalo.

¹¹⁵ Fela go tlaa tla. Eo ke tsholofetsa ya Gagwe ya paka ena. Re tshela mo pakeng e go Tla ga Gagwe go tlaa nnang mo go yone. O tshwanetse a kaiwe mo go Ene. Mosadi mongwe le mongwe o tshwanetse a kaiwe le monna wa gagwe, gonnie bobedi jo ba bangwefela. Mme Monyadiwa wa ga Keresete o tshwanetse a kaiwe le Ene, gonnie bobedi jo ba Bangwefela; mme Ena ke Lefoko, eseng lekoko. Lefoko! Re tshwanetse go nna bana ba Lesedi, mme Lesedi ke Lefoko le le dirilweng Lesedi ka ntlha ya paka e. Re itse Lesedi jang ntleng le fa Le tsya mo Lefokong? Go siame. Lefoko le le dirilweng nama ke Lesedi la paka; fa o Le bona, mme Baebele e buile jalo.

¹¹⁶ Batho bao ba lebeletse Jesu koo, mme ba re, “Sentle, Monna yona, Ena ke Mang? Goreng, Ena o tsetswe, tsalo ya leselwane golo koo. Goreng, Rraagwe le mmaagwe ke *sena, sele*, le se *sengwe*, le sotlhe *sena foo*.” Fela ba ne ba sa Mo itse. Fa ba ne ba itse Dikwalo, ba ka bo ba ne ba Mo itsile. O ne a rialo.

Ba ne ba re, “Re barutwa ba ga Moshe!”

¹¹⁷ Ne a re, “Fa lo ne lo itse Moshe, lo ne lo tlaa bo lo Nkitsile, gonne Moshe o kwadile ka ga Me.” Mme lo santse lo foufetse thata go Go bona!

¹¹⁸ Lo bona ka fa ba ikobileng ka gone? Kgakala le ditlhophpha tsotlhe tsa batho tse di dirang gongwe, le makoko, le ditumelo tsa kereke, le sengwe le sengwe. Modimo o ne a tsena gone ka mo nameng, mo popegong ya Motho, Morekolodi wa Losika.

¹¹⁹ O tshwanetse a kaiwe le Ene. Re lalediwa go nna bana ba Lesedi, gore re tsamaye mo Leseding.

¹²⁰ Ke gakologelwa golo ko Kentucky, fano e se bogologolo, ke ne ka nna le bokopano. Kwa ntle, morago ga ke sena go tswa mo kerekeng, foo go ne go na le monnamogolo a eme, ka lobone mo seatleng sa gagwe. O ne a le leloko la kereke e e sa dumeleng mo phodisong, le jalo jalo. Ne a re, “Ke—ke farologana le wena, Mokaulengwe Branham.”

Ke ne ka re, “Sentle, o na le tshwanelo ya go dira seo.”

¹²¹ O ne a re, “O a bona, ga ke tle go amogela sepe ntleng le fa ke se bona. Ke tshwanetse ke se bone, gone go tlhaloganyega motlhofo.”

¹²² Ke ne ka re, “Fong a o kile wa bona Modimo, gone go tlhaloganyega motlhofo, a eme fa pele ga gago?” Ka e le gore, o ne a sa dumele mo diponatshegelong le dilong.

O ne a re, “Nnyaya.”

¹²³ “Goreng,” ke ne ka re, “fong ga o modumedi, rra. Ga nkake ka kgona go bua le wena. Lo a bona? Lo a bona? Re bona se Modimo a se sololetsang ebile re tshwarelela mo go Seo.”

¹²⁴ O ne a re, “O tlhaloganyea seo jang?” Ke ne ka re . . . O ne a re, “Tlaya, yaa gae le nna mme re bue bosigong jono.”

Ke ne ka re, “Nka se kgone; ke rata go dira. O nna kae?”

O ne a re, “O tlolaganya thaba ena fano.”

¹²⁵ Ke ne ka re, “O ile go goroga jang koo? Ga o bone ntlo ya gago.” Uh-huh. Uh-huh. Eya. Eya.

O ne a re, “Sentle, go na le tsela e e yang kwa godimo ga thabana.”

Ke ne ka re, “Ga o bone tsela.” Uh-huh.

O ne a re, “Sentle, ke na le lobone.”

¹²⁶ Ke ne ka re, “Lobone ga le tle go bontsha lesedi gone ko ntlong. Ao, nnyaya. Fela tsela eo e tlaa kaela golo kwa ntlong. Fela lobone leo le tlaa supegetsa lesedi fela kgato e le nngwe ka nako e le nngwe.”

¹²⁷ Re tlaa sepela mo Leseding, Lesedi le le ntle; kgato e le nngwe ka nako, Morena, re tla gaufi Nae. Eya. Bana ba Lesedi, amogelang Lefoko la Gagwe, tswelelang lo tsamaya mme lo lebeng mo gontsi go phuthologa. Lo sek a lwa Le tlogela, go sa

kgathalesege se mongwe o sele a se buang. Nnang gone mo go Leo mme lo tswelele fela lo tsamaya le Lone, lo Le ele tlhoko le phuthologa ebole le Itshenola. Lefoko ke Peo; peo mo mohuteng o o siameng wa mmu e tlaa ungwa mohuta wa yone.

¹²⁸ Lemogang Tshenolo 10:1 go ya go 7, masaitseweng otlhe a tshwanetse go senolelwa Monyadiwa, ke morongwa wa Kereke ya Laodikea. A go na le mongwe yo o nang le Revised Version Bible? Fa o na nayo, o tlaa lemoga foo kwa e rileng, “moengele,” go mo masakaneng e re, “ntsu.” Lo a bona? Uh-huh. Uh-huh. Lo a bona? Morongwa ko ke—Kerekeng ya Laodikea, lo a bona, Tshenolo 10:1 go ya go 7.

¹²⁹ Mme o ne a bua gore sena...mo motlheng oo o a neng a Mmona a fologa, mme a ja buka e nnye. Mme go ne go na le... “O ne a baya lenao le le lengwe mo lefatsheng, le le lengwe mo lewatleng, mme a ikana ka Ena yo o tshelang, le ka bosaeng kae le ka bosaeng kae, gore, ‘Nako ga e tle go tlhola e le gona.’” Mme erile A dira, Ditumo tse Supa tsa maru di ne tsa ntsha mantswe a tsone. Mme erile Ditumo tse Supa tsa maru di ntsha mantswe a tsone, Johane o rile o ne a le gaufi le go kwala. Mme O ne a re, “O sekwa Go kwala.” Uh-huh. Lo a bona? Mme o ne a Go kanelia.

¹³⁰ Jaanong, mongwe ne a re, “Sentle, Dikano tse Supa tseo, fong, Mokaulengwe Branham, tse di tlaa senolwang mo metlheng ya bofelo, bosaitseweng bongwe jo bogolo ka fa re atamelang Modimo ka gone?” Nnyaya, rra, ga go kake ga nna jalo.

¹³¹ “Le fa e le mang yo o tlaa ntshang Lefoko le le lengwe mo Baebeleng ena, kgotsa a oketse lefoko le le lengwe mo go Yone, karolo ya gagwe e tlaa ntshiwa, Buka ya Botshelo.” Se go leng sone, ke tshenolo mo go se se neng sa se elwe tlhoko kwa morago koo, go se tlisa. Se setse se kwadilwe *Fano*. Se teng Fano. Ke go senola se se setseng se kwadilwe. Lo a bona? Ka gore, ga o kake wa oketsa selo se le sengwe mo go Lone, kgotsa wa ntsha Lefoko le le lengwe mo go Lone.

¹³² Kgaolo ya ntlha ya Tshenolo...ya—ya Baebele, ko tshimologong, Genesi. Mosadi a le mongwe ga a a ka a Le dumologa, fela o ne fela a phutholola ka phosego, a lettlelela Satane a mo phuthololele ka phosego, lefoko le le lengwe, “ruri.” Lo a bona? Mme fong, go tloga mo go seo, ne ga baka bothata jotlhe jona. Mme moo e ne e le Modimo a bua, Lefoko la Modimo.

¹³³ Mme mo kgaolong ya bofelo ya Tshenolo, Jesu ka Sebele, Modimo yo o tshwanang, ne a re, “Le fa e le mang yo o tlaa ntshang Lefoko le le lengwe, kgotsa a oketse lefoko le le lengwe mo go Lone.”

¹³⁴ *Ena* ke tshenolo e e feletseng ya ga Jesu Keresete. Mme Dikano tse Supa di ne tsa nna le masaitseweng a a neng a fitlhilwe, a sothle se Le neng e le sone; mme o tshwanetse a Le bule mo motlheng wa bofelo, kwa pakeng ya Laodikea, kwa

bokhutlong jwa nako. A ditebogo di nne go Modimo! Moo go wetsa Molaetsa mo Kerekeng. Moo go a O wetsa. Fa ba leba kwa morago mme ba bona se se nnileng se le teng, mme ba bona kwa gotlhe go neng ga tlisiwa mo go gone, moo go a Go wetsa, paka ya Kereke.

¹³⁵ Jaanong lemogang dinaka tse re buang ka ga tsone, ke pitso go tla ga mmogo ya kana moletlo, ya ka ntlha ya ntwa, ya ka ntlha ya motho, ya letsatsi lengwe le le boitshepo, kgotsa sengwe se se jalo. Lemogang. Wa re, “Ka ntlha ya motho?” Eya. Kgotsa, ngwaga wa jubile, kitsiso ya go tla ga kgololesego, nako e ba neng ba ka kgona go boa; jaanong, re ka tsaya moso o o feletseng mo selong se le sengwe fela seo. Fela, jaanong, go tsena mo dinakeng. Lo na le motheo jaanong, wa Dikano le Kereke, jaanong re ya ka mo lonakeng. Lonaka lo ne lwa gelebetega, mme lonaka lo kaya kana ntwa, kgotsa letsatsi la moletlo. Kgotsa, se go se rayang, ke, “go phuthega ga mmogo ga batho,” *lonaka*.

¹³⁶ Paulo ne a re, “Fa lonaka lo ntsha poromo e e sa tlhomamang, ke mang yo o ka ipaakanyetsang ntwa, kgotsa a direla kagiso, kgotsa le fa e le eng se go leng sone?” Ke mang yo o itseng? O tshwanetse o itse se lonaka lo se poromang.

¹³⁷ Ke gone ka moo, fa lonaka lo utlwala, re bona sengwe mo lefatsheng gompieno. Go na le bothata jo bogolo golo gongwe. Mongwe le mongwe o a go itse. Mongwe le mongwe o fetogile go nna yo o mafafa. Lefatshe lotlhe ke lefatshe le le tsenweng ke tsebetsebe, mme re a itse gore go sengwe se se phoso. Pentagon, gongwe le gongwe, re a itse go na le sengwe se se phoso.

¹³⁸ Jaanong, tsela e le nosi e o tlaa itseng se lonaka lo se poromang ke, ke go leba se Letlhare la Mmino le se buang. Ke gotlhe. Ke Simfoni e kgolo, lo a bona, mme e dira moribo.

¹³⁹ Jaaka, *Petoro le Phiri*, lo a bona, fa wena . . . fa . . . Mme motlhiami o kwadile buka, mme molaodi o tshwanetse a nne mo moweng o o tshwanang wa motlhiami. Fa a sa dire, o naya moribo o o phoso, mme fong selo sotlhe se tswile.

¹⁴⁰ Seo ke se e leng bothata gompieno. Re na le balaodi ba le bantsi mo . . . ba ba seng mo Moweng wa Motlhiami. Ba re, “Lekoko, sentle, re dumela sena.”

¹⁴¹ Go sa kgathalesege se o se buang, Baebele e nepile. E direle moribo go ya ka Letlhare la Mmino gone fano fa pele ga yone, fong Simfoni e kgolo ya tiro e kgolo ya Modimo e o tshameka sentle fela, fong re kgona go bona oura le fa re emeng gone.

¹⁴² Jaanong lemogang, lonaka lo tshwanetse go bitsa le kokoantshe batho, ba ikokoanya ga mmogo ka ntlha ya sengwe. Nako nngwe go ne ga itsise motho yo o botlhokwa.

¹⁴³ Jaaka mo go Josefa, ba ne ba letsa lonaka, mme Josefa o ne a bonala; mo e leng se—setshwantsho sa “Lonaka le Legolo” le re buang ka ga lone, mme re goroga kwa go lone morago ga sebaka,

mo go Isaia. Seo se re, “Motlheng Lonaka le legolo le poromang, motlheng sesupo seo se tlaa tlhatlosetswang godimo, golo koo; mme fong go tlaa tla nako e Lonaka le Legolo le tlaa poromang, mme ditshaba tsotlhe di tlaa phuthegela ko Jerusalema.” Moo ke nako e Mileniamo o simololang ka yone; Lonaka le Legolo.

¹⁴⁴ Jaanong, pitso ena, ya moletlo wa dinaka, go atamela ga sengwe. Lemogang Tshenolo 8:7, fa lo batla go kwala. Re lemoga Lonaka lwa Ntlha, foo go ne ga gasega sefako, madi, molelo, mo lefatsheng; fela totatota go ya ka Ekesodu, fa Modimo a ne a biletsha batho ba Gagwe ko ntle, ga khuduga.

¹⁴⁵ Jaanong, lebaka le Dinaka tse Supa tsena di sa amaneng le Kereke ena le paka ena, ke ka gore ke ga Israele fela. Ke pitso, ya go phuthega ga batho. Mme jaanong go na le mo go botlhokwa go le gongwe fela teng fano mo ke batlang gore lona lo gorogeng kwa go gone, mo metsotsong e le mmalwa, ke kwa lo tlaa bonang gore goreng mona go sa amane le paka ena e re tshelang mo go yone; Dinaka tse Supa.

¹⁴⁶ Ke itse batho ba le bantsi ba ba sa dumalaneng le seo, fela ke a itse ke sena. Ke a go itse. E seng ka gore nna ka re wena o a go bua; ke ka gore, ga ke a go tsaya mo go nna. Kakanyo ya me—ya me ga se e e leng ya me. Le fa e le eng se E leng sone se se mpoleletseng, fa Se le phoso, go raya gore go phoso. Fela ga ke go bolele ka se e leng sa me, ke bolela ka se Mongwe o sele a se buileng. Mongwe o sele Yoo ke Modimo yo o buileng le rona ebile a dirileng dilo tsotlhe tsena tse A di dirileng, a ba a bonala, lo a bona, jalo he ke a itse gore go nepagetse.

¹⁴⁷ Phu—phuthego ya Israele ke Dinaka. Dinaka di tshwanetse go kokoantsha Israele. Lemogang, lone Lonaka lwa Ntlha le a utlwala; madi, molelo, sefako, le sengwe le sengwe, di gasagantsha mmu. Lo a bona? O ne a dira eng? A ntsha Israele mo Egepeto ya semowa, lo a bona, e boelego kwa lefatsheng la gabon yone.

¹⁴⁸ Jaanong mpe ke bueng sena gone fano, gore, Lonaka lengwe le lengwe le le neng la gelebetega, le ne la gelebetega mo tlase ga Sekano sa Borataro. Re tlaa goroga kwa go gone mo metsotsong e le mmalwa, kwa re neng ra tshwara Sekano foo. Dinaka tsotlhe di ne tsa utlwala fa tlase ga Sekano sa Borataro.

¹⁴⁹ Ka gore, Sekano sa Bosupa, go ne go na le tidimalo. “Ga go ope yo o neng a itse; moo e ne e le motsotsa kgotsa oura e Keresete a tlaa tllang ka yone,” jaaka A ne a go re senolela.

¹⁵⁰ Fela Lonaka lengwe le lengwe le ne la utlwala fa tlase ga Sekano sa Borataro, fa tlase ga pogiso ya Bajuta. Lemogang, Tshenolo jaanong, ya bo 8, mme re simolole ka temana ya bo 7. Gotlhe e ne e le go hudusa Israele, ya tlholego, ko Egepeto; jaanong ke go hudusiwa ga Israele, go buiwa ka semowa. O ne a ba baakanyetsa go tla mo moletlong wa Tetlanyo.

¹⁵¹ Lemogang, moletlo wa dinaka e ne e le wa ntlha, o e neng e le pentekoste. Moletlo wa tetlanyo o ne wa o latela, malatsi a le masome a matlhano morago. Moletlo wa tetlanyo, go baleng fano. Re tlaa dira, kooteng, fa re na le nako, re tlaa umaka ka ga yone mme re e lo baleleng go tswa mo Baebeleng, fano mo go Lefitiko 12, jaanong, kgotsa Lefitiko 23, ke raya moo, le Lefitiko 16. Re fitlhela gore wa ntlha e ne e le moletlo wa di—wa dinaka. E ne e le tetlanyo mme pe . . . morago ga e sena go latela pentekoste, jaanong re fitlhela gore . . . Moletlo wa tetlanyo o ne wa latela moletlo wa dinaka.

¹⁵² Jaanong lemogang, Lonaka lo ne lwa gelebetega, mme moo e ne e le go ba kokoanya ga mmogo. Jaanong, Lonaka lwa Ntlha le ne la gelebetega, go ne ga nna le sefako, madi, molelo, o kgatshitswe mo lefatsheng, fela totatota jaaka go ne go ntse ko Egepeto, go ba baakanyetsa go ba biletsha ko Letsatsing la Tetlanyo. Lo a bona? Ba ganne Tetlanyo ya nnete. Mme dingwaga tsena tse di ntseng di lelefaditswe go ralala fano, e ntse e le ngwaga wa pentekoste. Lo a bona? Jaanong go utlwala Bajuta go tla mo go latelang.

¹⁵³ Mona e ntse e le go biletsha ntle ga Kereke. Elang tlhoko ka tlhoafalo thata. Jaanong, mo e leng gore, morago ga foo, O ne a ba isa kwa lefatsheng la tsholofetso; mo e leng gore O tlaa dira selo se se tshwanang, mo go se e leng gore, mo setshwantshong, O isa Kereke ko lefatsheng la tsholofetso.

¹⁵⁴ Gakologelwang, Lonaka lengwe le lengwe le ne la utlwala fa tlase ga Sekano sa Borataro, fela ka nako eo fa se ne se utlwala.

¹⁵⁵ Lemogang jaanong, totatota, tswelediso ya Lekwalo, e tshwana totatota. Mo tlase ga Lonaka lwa Bosupa, ke ga Israele go tshwana le jaaka Sekano sa Bosupa se ne se ntse mo Kerekeng. Re fitlhela, mo tlase ga Sekano sa Bosupa, gore fa mewa ena ya botho e e neng e le fa tlase ga aletare foo, e e neng ya amogela dikobo . . . Ba ne ba newa dikobo, eseng gore ba ne ba dirile sengwe go tshwanelwa ke go nna natso, ke ka gore ba ne ba le mo tebalebelong nako e Modimo a neng a santse a berekana le letlhogonolo le Baditshaba, eseng Bajuta. Israele e pholoswa e le setshaba. Modimo o berekana le Israele e le setshaba. Baditshaba ke “batho ba Leina la Gagwe,” eseng setshaba sa Leina la Gagwe. Israele!

¹⁵⁶ Mme erile Hitler le bone ba ne ba bogisa Bajuta, ebile ba ne ba dira dilo tse ba di dirileng mo tlase ga seo; lebang, bona, Stalin, Hitler, le babusaesi botlhe bao ba ba neng ba tsogile. Fa re ne re na le nako, ya gore, re go boeletse bagorogi bangwe, fela re ne ra bua ka gone. Mo tlase ga paka yone eo, gore e e nnileng ya nna teng ko Jeremane le—le ditshabeng tsotlhe tse dingwe, Bajuta ba phatlaletse go ralala lefatshe lotlhe. Fela go ne ga tsoswa, mo dingwageng tsa bofelo di le masome a mabedi tse di fetileng, pogiso e e botlhoko kgatlhanong le Bajuta.

¹⁵⁷ Ke ntse ke le golo koo kwa mafelong a bogologolo kwa ba neng ba fisa mebele ya bone gone, eibile ba ba fisa go tsamaya ba nna melora, eibile ba dirisa . . . ne ba dirisa melora ya bone go nontsha mmu, bana ba Majuta, le basadi, le sengwe le sengwe. Fong ba leka go go latola; ne ba ba isa gone fong mme ba ba supegetsa kwa go neng ga dirwa gone.

¹⁵⁸ E ntse e le pogiso e e botlhoko kgatlhanong le Iseraele, ka gore e ntse e le nako e e neng e mmiletsa morago jaanong ko Tetlanyong. O santse a le mo tlase ga tetlanyo ya kwana ya tlholego. Kwana ya mmannete ya Modimo ke Tetlanyo, mme o E ganne, mme Madi a ntse a le mo go ene go tloga e sale. Lemogang, go baakanya batho! Ka fa go itekanetseng ka gone fong Lonaka lwa Bosupa le Sekano sa Bosupa di ntseng ka gone, ka boitekanelo di lomagane, pogiso ya Bajuta.

¹⁵⁹ Lemogang, mo go Tshenolo kgaolo ya bo 9 le temana ya bo 13, jaanong lemogang ka tlhoafalo tota, mo tlase ga Lonaka lwa Borataro. Tshenolo 9:13, mo tlase ga Lonaka lwa Borataro, lemogang, go ne go na le dikete di le makgolo a mabedi tsa bapagami ba dipitse ba ba neng ba bofeletswe mo nokeng ya Euferatase, ba ba neng ba gololwa fa tlase ga Lonaka lwa Borataro. Jaanong ga go na bapagami ba dipitse ba le dikete di le makgolo a mabedi mo lefatsheng; fela go ne go na le bapagami ba dipitse ba le dikete di le makgolo a mabedi. Go lemogeng. Ke batla lo go kwaleng faatshe, gore lo kgone go go bala.

¹⁶⁰ E ne e se dipitse tsa tlholego. Di ne di budulela molelo, mme di ne di na le difemela sehuba tsa jasepere, eibile—eibile di ne di na le megatla. Mme bokhutlo jwa mogatla bo ne bo lebega jaaka noga, tlhogo ya noga mo bofelelong jwa yone, e loma. Lo a bona? E ne e le dipitse tsa semowa, bodiabolo ba semowa, dipitse tsa go thasela, tse di ntseng di bofilwe mo Euferate dingwaga tsotilhe tsena, bodiabolo ba bofetatholego. E ne e le eng? Bogosi jwa kgale jwa Seroma jo bo neng bo tsosoloswa; pogiso ya Bajuta. Ba ne ba ntse ba bofilwe go batlile go le dingwaga di le dikete tse pedi, kwa nokeng ya Euferate, ba ne ba sa kgone go kgabaganyetsa ko tsholofetsong; lekgamu la bodumedi le le neng le leka go ya ko letlhakoreng le lengwe. Euferate, lo a itse, e feta fa gare ga Etene. Fela ba ne ba bofilwe koo, bodiabolo ba le dikete di le makgolo a mabedi ba pogiso.

¹⁶¹ Mme lemogang se se diragalang fa tlase ga Lonaka leo la Borataro. Ba ne ba gololelw mo Bajuteng; pogiso ya Bajuta. Bodibolo ba bofetatlholego, go batlile go le dingwaga di le dikete tse pedi, ba ne ba tloga ba gololelw ke Stalin, Hitler, mo Bajuteng. Wa re, “Sentle, moo ga se ga Roma.” Ke mowa o o tshwanang. Ba dirile dilo tse di tshwanang tse ba di dirileng Bakeresete, mo metlheng ya bogologolo ya Roma ya boheitane. Jaanong elang tlhoko Iseraele ya tlholego, le Kereke ya semowa jaanong, jaaka re di lomologantsha fano. Ne ba gololelw mo Bajuteng.

¹⁶² Lo a gakologelwa, mo tlase ga Sekano sa Borataro, ka fa mongwe le mongwe wa baswelatumelo bao, go ya ka—go ya ka Lefoko la Modimo, ba neng ba amogela dikobo. Ba ne ba di neetswe ka letlhogonolo, ka gore bona ba foufaditswe gore ba se kgone go bona Efangedi ya bone, gore batho bana ba tle ba biletswswe ko ntle ga Baditšhaba go dira mo—Monyadiwa. Ba ne ba newa dikobo, Baebele ya re fano, mo tlase ga Lonaka leo. Bajuta bao, ba go senang pelaelo epe ba leng kgatihanong le Keresete le sengwe le sengwe; lebaka le ba leng jalo, ke ka gore Baebele ne ya re ba foufaditswe. Mme ba ne ba foufatswa ka ntlha ya lona. Mme Modimo yo o tshiamo o a itse gore ba ne ba tlaa Le amogela, fela ba ne ba foufadiwa ka ntlha ya lona. Baebele e buile jalo.

¹⁶³ Bogosi joo jwa Roma ke joo, bo bofilwe foo ke (eng?) dithata tsa boruti. Mo e leng gore, Roma, Roma ya boheitane e ne ya fetoga ya nna Roma ya bomopapa, mme e ne ya bofagana foo mo dingwaong tsa yone tsa Bokeresete. Karolo epe ya Mokeresete, le—le ditumelwana e e neng e na natso tsa Roma di kopantse tsotlhe tsena; kobamelo ya basadi, le mehuta yotha ena ya dilwana, le malatsi a Keresemose, le malatsi a boikhutso, le malatsi a a boitshepo, le dilo. E mnile e bofegile ka ngwao eo e e ka se kgoneng go e golola, ka gore e kgathlanong le dithaego tsa Bokeresete. E santse e le mowa o o senang poifoModimo, wa boheitane! Mme mowa oo o ne wa tshwara ka mo ditšhabeng tsa lefatsho, go ya ka diporofeto tsa ga Esekiele le botlhe ba bone.

¹⁶⁴ Mme ba ne ba gololelwia mo Bajuteng, ba ba neng ba sa itse sepe ka ga Mowa. Masaitseweng a lona ke ao a a fitlhegileng fa tlase ga Sekano seo foo. Lo a bona? Go lemogeng. Re ne ra go lebelela. Mme ke tlaa lo supegetsa Lonaka lena fano, Lonaka lena la bofelo, se se diragalang. Ke bone bao. Dinaka tsena di gololelwia mo Bajuteng, (a ga lo bone?) eseng mo Baditšhabeng. Moditšhaba, nako e Dikano tseo di neng di bulwa ka yone, o kaneletswe go fedile; nako e khutlile; Kereke e a bidiwa.

¹⁶⁵ Lo gakologelwa ponatshegelo maloba? Lo gakologelwa pon... pontshetso pele ya gone? Ke ba le kae ba ba gakologelwang, Letsatsi la Tshipi pele ga le le fetileng? Ka fa go neng go le foo totatota, go tla. Re go bone, totatota, re bone selo se se leswe seo, se se makgaphila se tlhagelela, se bidiwa kereke, tse di senang botho mo go feteletseng. Mme Monyadiwa yo monnye yoo, wa setšhaba sengwe le sengwe, mongwe le mongwe wa bone a apere jaaka setšhaba sa bone se ba tswang kwa go sone, a tsamaya fela ka boitekanelo fa pele ga Morena.

¹⁶⁶ Lo a lemoga, go tlaa nna le nako, nako nngwe, fa ba tlaa reng, “Sentle, ke ne ke gopotse gore Kereke e ne e tshwanetse go tsamaya pele ga pogiso. Ke ne ke gopotse gore go ne go na le Phamolo.”

“E setse e fetile mme ga lo a ka lwa e itse.”

Seo ke se A se buileng ka ga Johane nako nngwe, lo a itse.

¹⁶⁷ Ne a re, "Jang, goreng baporofeti ba re ba . . . bakwadi, gore Elia o tshwanetse a tle pele?"

¹⁶⁸ O ne a re, "O setse a tsile." Mme le e leng barutwa ba ne ba se go itse. "Ba mo dirile se ba se ratileng."

¹⁶⁹ Phamolo e tlaa nna ka tsela e e tshwanang. Mo—mo oureng . . . O soloeditse go dira seo. Ga A a ka a soloftsa go supegetsa Elia jalo, fela O soloeditse go tsaya Monyadiwa jalo. "Ka oura e lo sa akanyeng," phetogo fela, ka motsotso wa ponyo ya leitlho, lo phamolwe. Fong lona lo tlogetswe, fong eo ke nako!

¹⁷⁰ Dingwaga di le dikete tse pedi, mowa ona ka batho ba Baroma, kereke ya Roma, o ne o sa kgone go sutu. Fela mowa o o tshwanang oo o tlhatloga, pele, golo koo ka mo go Mussolini ko Roma, mmusaesi. Lo itse tse tlhano . . .

¹⁷¹ Dilo di le supa tse A di ntshupegeditseng, ka '33, tse di neng di tlaa diragala. Di le tlhano tsa tsone di setse di diregile. Ngaka Lee Vayle o kwala buka ka ga gone foo jaanong. Lo a bona? Dilo di le tlhano, ka boitekanelo, le fela dilo tse dingwe tse pedi tse di tshwanetseng go diragala. Ne a re, "Go tlaa diragala fela pele ga go Tla." Ke rona bano gone fa bokhutlong jaanong, mme go lebega okare selo seo sa borataro se tsamaela gone kwa godimo. Lo a bona? Ka boitekanelo, totatota, le e leng dintwa le ka fa di neng di tlaa diragala ka gone, totatota mo letshwaong, mme ga go nako e le nngwe e go neng ga fosa.

¹⁷² Reetsang, batho, re tshwanetse re itlhathlobeng oura nngwe le nngwe. Ga lo itse fa re emeng gone. Ka tlhoaafalo tota!

¹⁷³ Jaanong, jaanong o ne a golola, mo, mo tlase ga Sekano seo sa Borataro, medemone ena ya semowa e le dikete di le makgolo a mabedi, ne a simolola ko Roma, Jeremane, Hitler. Mme lemogang ka kwa mo Baebeleng, kwa ba neng ba amogela, ga ba a ka ba . . . Ba ne ba amogela thata jaaka dikgosi, fela ba ne ba sa rweswa korone. Mmusaesi ga se kgosi e e rwesitsweng korone; o amogela fela thata jaaka kgosi.

¹⁷⁴ Ao, Mowa wa Modimo o tsamaya fela mo gare ga me jaanong, lo a itse, o bua sengwe fela. Ga ke itse ka fa nka go buang ka gone, le fa e le se nka se buang, mme gongwe go botoka ke se dire.

¹⁷⁵ Lemogang, tse pedi dike- . . . dikete di le makgolo tsa medemone e e gololetsweng mo Bajuteng bao, fa ba ne ba ba fisa, ba ne ba ba bapola. Ba ne ba tsenya dipudula mo ditshikeng tsa bone. Ba ne ba ba bolaya, go fitlhela ba ne ba sa tlhole ba na le gase go ba bolaya ka yone. Mme ba ne ba b fula, go fitlhela ba ne ba sa tlhole ba na le marumo go fula ka one. Mme ba—mme ba ne ba dira sengwe le sengwe se ba neng ba ka se dira. Ba ne ba fisa mebele ya bone go tsamayeng e le melora, le sengwe le sengwe; mme ba ba kaletsa mo diterateng, bana le botlhe, batho ba ba senang molato. Ka gore ba ne be le Bajuta, ba ne ba dirwa ka tsela eo. Fela Modimo ne a re O ne a naya mongwe le mongwe wa

bona kobo, ba sa tshwanelwe jaaka ba ne ba ntse ka gone; fela letlhogonolo la Gagwe go ba foufatsa gore rona re kgone go bona.

¹⁷⁶ Sekano sa Bosupa ga se ise se bulege ka nako e, lo a itse. Moo ke go Tla ga Gagwe.

¹⁷⁷ Jalo he fa ba santse ba le mo tlase ga foo, fela, O a re supegetsa fano, mo pontshetsong pele. Jaaka Johane, O ne a mo tlhatlosa.

¹⁷⁸ Mme nako nngwe, a tsamaya mo lewatleng, lo a itse; o ne a re, “Ga tweng ka ga monna yona yo o ikaegang mo sehubeng sa Gago?”

¹⁷⁹ O ne a re, “Go le tshwenya ka eng fa a nna go fitlhela Ke tla?” Lo a bona, ga a ise a ko a sale, fela O ne a mo tlhatlosa a bo a mmontsha seo, selo se se diragalang go fitlhela A tla. Ne fela a mmontsha, ne a bontshetsa thulaganyo yotlhe ko go Johane.

¹⁸⁰ Lemogang, re fitlhela jaanong gore thata eo ya tlholego mo tlase ga ya tlholego, mo setshabeng sa tlholego, Iseraele, e ne ya gololwa koo. Mme ke eng se se go dirileng? Go ne ga ya mme ga dira ntwa, le ka fa go bolaileng ka maikaelelo le go bogisa ka gone.

Jaanong mo logatong lwa gone lwa boruti! Nna... a lona lo... .

¹⁸¹ Ke solo fela gore Modimo o bula matlho a lona mo go sena jaanong. Ka gore, ke lemoga gore mona ga se fela go bua le kereke ena fano. Theipi ena e ya lefatsheng ka bophara. Mme ga ke ikaelele go utlwisa maikutlo a ga ope botlhoko, fa e se fela go bolela Boammaaruri.

¹⁸² Jaanong bogosi jwa boruti bo bulegile, go tloga tsosolosong ya tlholego ya Roma ya kgale ya boheitane, e e neng ya tswela kong mo Bajuteng bao, e e tlhotseng e le mmaba wa bone. Tau, e na le meno le sengwe le sengwe, e ne ya tibela mme ya thuba batho. Roma, ka gale e ntse e le mmaba wa Modimo! Mme e ne ya gololwa ka mowa o o tshwanang, ke bakgokgokgontshi ba lefatshes, ka gore tsamaiso ya bodumedi e ne e santse e tshwareletse. Jaanong e golotswe.

¹⁸³ Go dirile eng? Mo “botsipeng,” jaaka A buile, o ne a tsena jaaka ka mafoko a a borethe. Mme o dirile eng? O tlisa Lekgotla la Ekumenikele la Protestante la Dikereke tsa Lefatshe, mowa wa moganetsa-Keresete mo go bone boobabedi, le ba tlisa kwa kganyaolong, fela jaaka ba dirile e nngwe, mo oureng go bitsa Monyadiwa. Jang? Ne o bofolotswe mo moweng wa bokereke wa kereke. O goletswe mo go eng? Eseng mo makokong; mo Monyadiweng! Fela fano lo tlaa go tlhaloganya, Monyadiwa ga a tle go ralala nako eo. Baebele ya re le goka. Kereke e tlaa dira, fela eseng Monyadiwa. A ga lo kgone go bona? Badiredi, a ga lo kgone go bona seo, bakaulengwe?

¹⁸⁴ Wa re, “Kereke e tshwanetse e ralale pogiso, ka ntlha ya bo—ka ntlha ya boitekanediso jwa Yone.” Madi a ga Jesu Keresete a itekanedisa Monyadiwa.

¹⁸⁵ Monna yo o kgethang mosadi ga a mo ralatse kotlhao e ntsi; o setse a mmonetse letlhogonolo, ebile, le ene; o bone letlhogonolo le ene. O—o beeela ko go ene. Mme, fa go na le sengwe, o tlaa mo kganelia kwa lefelong lengwe le lengwe go retolosa seatla sa gagwe. Letlhogonolo la gagwe le legolo thata mo go bone.

¹⁸⁶ Mme go tlaa nna jalo mo Monyadiweng, ebile go ntse jalo mo Monyadiweng. Rona ditshedi tse di sa tshwanelweng, re tshwanelwang ke dihele, fela letlhogonolo la Gagwe le re sireletsa go go ralala. Lebelelang gore ke ba le kae ba ba timetseng ebile ba foulfetseng! Ke ba le kae, ke baleofi ba le kae ba ba neng ba le teng mo lefatsheng, oura e ke bolokilweng ka yone! Modimo o mpoloketse maikaelelo; mme nna ke ikaletse, ka thato ya Gagwe, go dira maikaelelo ao. Ga ke kgathale gore ke eng sepe se sele se se yang; ke batla go go dira.

¹⁸⁷ Mme mo oureng e ke bonang dikereke tsotlhe, magasigasi a bone a matona, “ebile ba humile, mme ba sena letlhoko la sepe,” ba rialo; mme o ba bone, ba tlhomola pelo, ba le serorobe, ba foulfetse; fong ba go phophotha mo magetleng, ba batla gore o mpampetse nabo. Ke tsaletswe boikaelelo, moo ke go kgala selo seo le go upolola. Sena ke a se dira.

¹⁸⁸ Gakologelwang, erile Jesu a ne a tla mo lefatsheng, go ne go sena bongwe jwa lekgolo jwa batho mo lefatsheng ba le ka nako epe ba neng ba itse gore O ne a le fano. O ne a tla go tsaya setlhophia se se itschenketsweng seo. Ne a re, “Ga go motho yo o ka tl Lang mo go Nna ntleng le fa Rrè a mo gogile. Mme botlhe ba Rara a neng a,” paka-pheti, “ba Mphileng, ba tlaa tla. Ba tlaa go itse. Ba tlaa Go utlwaa.”

¹⁸⁹ Lemogang go gololwa ga mowa ona wa ga boruti. Jaanong dingwaga di le masome a mabedi morago, morago ga ntwa eo, re bona go bofololwa ga mowa wa kereke wa bokerek. Mo tlase ga eng? Sekano sa Bosupa; Lonaka lwa Bosupa mo Bajuteng.

¹⁹⁰ Lebelelang ngwedi e fifala. Ko tlase ga kae? Lo a go bona go tshwantshitswe, Morwa motho a kgoromeletswa kwa ntle ga kereke.

¹⁹¹ Gone ke eng? Go ipataganya le segopa sa tsa boruti. Mo—mokgathlo wa ekumenikele, le ka Lekgotla la Dikereke tsa Lefatshe, o kgoromeleditse monna mongwe le mongwe... Selo seo se emetse eng? Goreng, o tshwanetse o neele dithuto tsotlhe tsa lona tsa boefangedi le dilo. “Bobedi bo ka tsamaya mmogo jang fa e se bo dumalane?” Ga ba kake. Jesu o rile ga ba kake. Mme kereke e ka kgona jang, Methodisti le Mabaptisti tsa tsamaya ga mmogo? Church of Christ e ka tsamaya jang le Mapresbitheriene? Mokhatholike a ka tsamaya

jang le Moprotestante? Moprotestante a ka tsamaya jang le Moprotestante?

¹⁹² Fela Monyadiwa o kgona go tsamaya le Lefoko, le e leng Keresete. Go tshwanetse go nne mo tumalanong. Eseng tsamaiso ya tsa boruti; fela Lefoko. O tshwanetse o dumalane le Lefoko, go tsamaya le Lefoko. Jesu o buile jalo. Moo go go dira gore go siame.

¹⁹³ Lemogang, ena ke yoo. Jaanong, o golotswe, go bitsa dilo tsotlhe tsena tse di sa felelang, “Ao, sentle, ga go dire pharologanyo epe, le fa go ntse jalo.”

¹⁹⁴ Seo ke se Satane a se boleletseng Efa, “Ga go dire pharologanyo epe. Go siame. Ruri, Modimo ke Modimo yo o molemo. O re rata rotlhe.” Ga a dire.

¹⁹⁵ Lo utlwa mo gontsi thata ka ga Lone e le Modimo yo o molemo. Ena ke Modimo yo o molemo, fela, a leng molemo, O tshwanetse a nne yo o tshiamo. Ga go na bomolemo ntleng ga tshiamiso. Ga go na tshiamiso epe ntleng ga molao ope, ntleng ga kotlhao, tuediso. Jalo he re mo oureng eo, e re tshelang mo go yone.

¹⁹⁶ Lemogang, ka bonako jaanong, medemone ena ya bofetatholego. Fong, mo tlase ga di—mo tlase ga ditshegetso tsa United Nation, ditlhophpha di kopaneng di le mmogo, tsa Botlhhabatsatsi le Bophirimatsatsi.

¹⁹⁷ Fela jaaka lenao la moja le la molema la setshwantsho se Daniele a se boneng, ka foo di neng di sa tle go dumalana le go tswakana. Mme lefoko Eisenhower, mo nakong eo... *Eisenhower* le raya “tshipi.” *Khrushchev* le raya “letsopa.” Mme o ne a rola setlhako sa gagwe a bo a se itaya [Mokaulengwe Branham o kokota fa felong ga therelo—Mor.] mo lomating kwa le...nako e Kgolagano ya Ditšhaba, kgotsa U...kwa UN. Khrushchev a dirileng, a neng a tlhotlhora di...Ijoo! Oura e re tshelang mo go yone! Kereke le seemo sa yone!

¹⁹⁸ Fela, ke leboga Modimo, Monyadiwa yo monnye o Ipaakantse. Ga go go leelee. Tshwarelela fela. Ga go tle go nna go leelee. Ga ke itse gore ga leelee go le kae, ga ke itse gore leng; ga go ope yo o itseng seo. Fela re a itse gore go gaufi jaanong, ka mmannete.

¹⁹⁹ Elang tlhoko ga boranyane. Elang seo tlhoko, ga tlholego, se go se dirileng ko Bajuteng bao. Bao e ne e le batho ba ba neng ba tshegetsa melao ya Modimo. Go sa kgathalesege gore ke dikereke di le kae tse di tlhagelelang, eng le eng se sele, ba ne ba foufaleditswe Keresete, mme ba tshwarelela mo molaong oo. Mme Modimo o ne a ba naya dikobo, mongwe le mongwe wa bone, ka gore ba ne ba ya golo ko botswasetlhabelong. Lo a bona? Bona ba—bona ba... Ba ne ba foufaditswe ka ntlha ya rona.

²⁰⁰ Fano jaanong, Kereke, e e sa itseng sepe fa e se Baebele. Go sa kgathalesege ka ga tsamaiso ya kereke ya sekeresete, lekoko, ga ba itse sepe ka ga gone. Gotlhe ke mo go seeng mo go bone. Ba a Mo itse, ebile Ena a le nosi.

²⁰¹ Batho gompieno ba jaaka Petoro le bone ba ne ba ntse ka gone, godimo ko Thabeng ya Phetogo. Ba ne ba gakatsegä gotlhelele fa ba ne ba bona bofetatlholego bo dira, mme mongwe o ne a re, “Re tlaa dira kereke e le nngwe ya—ya baporofeti, le e le nngwe ko go Moshe.”

²⁰² Mme eo ke tsela e batho, Mapentekoste ba dirileng ka yone. Ba ne ba re, “Re tlaa dira e le nngwe, Assembly of God; le e le nngwe, kereke ya Modimo; le e le nngwe, Bongwefela; le e le mongwe, Bobedifela,” le jalo jalo jalo.

²⁰³ Fela erile a santse a bua ka nako eo, Jehofa o ne a goeletsa, “Yona ke Morwaake yo o rategang,” Yo e leng Lefoko, “Mo utlweng!” Lo a bona? Ena ke Lefoko.

²⁰⁴ Oura e re tshelang mo go yone, ba ga boruti, ba mewa e e kopanang ga mmogo jaanong mme ba ba tlisa botlhe kwa kganyaolong e le nngwe e kgolo ena, go nyeletsa. Go setse go le mo mokwalong fano, mo setshabeng sena jaanong, gore dikereké tsena di tshwanetse di tswalwe ntleng le fa le tsamaisana le lekgotla. Ke kopano, ke ngalo, fela jaaka letshwao la sebatana.

²⁰⁵ Mme jaanong lo bona se sebatana se se leng sone, a ga lo dire? Ke thata. Mme thata, thata ya tsa boruti, Jesu ne a re, “Go tlaa tshwana thata le selo sa mmannete, go tlaa tsietsa bone Baitshenkedwi fa go ne go kgonega.” Fela O soloeditse go nna le sengwe fano sa rona mo motlheng oo, gore re se tle ra tsiediwa, mme moo ke Lefoko, le Keresete go Le dira le bonatswe mo go rona. Tsone ke bodiabolo, ba bofetatlholego, ba ba sa bonweng ke leitlho, fela lo kgona go bona se ba se dirang. Lo a bona?

²⁰⁶ Lemogang, fa setlhophä seo se santse se pagame, se ipaakanya go tlobelela sengwe le sengwe se se sa tleng go dumalana le bone, go na le setlhophä se sengwe se se baakanngwang, morago ga lobaka, Tshenolo 19. Nako e e latelang e go utliwang ka Kereke, O a tla, ebile, eseng mo dipitseng totatota, fela Baebele ne ya re, “O ne a le mo pitseng e tshweu, mme lesomosomo la Legodimo le ne le Mo setse morago mo dipitseng tse ditshweu.” A go ntse jalo?

²⁰⁷ Fa setlhophä sena golo fano se ne sena le ba le dikete tse pedi ba bofiletswe kwa nokeng ya Euferate, mme ba ntse ba bofilwe ka dingwaga di le dikete tse pedi, gape kereke eo e bofile Mowa o o Boitshepo go batlile go le dingwaga di le dikete tse pedi, fa tlase ga botswasetlhabelo kwa morago kwa, le fa tlase ga dipaka tsa kereke. O ntse o bofilwe, eseng kwa nokeng ya Euferate, fela fa mojakong wa ditumelo tsa kereke le dithuto tse di tlhomameng, gore Mowa o o Boitshepo ga o kgone go dira mo kerekeng ka ntlha ya ditsamaiso tse di dirilweng ke motho.

Fela O ile go gololwa, O a boa, seo ke se Baebele e se buileng. Mme bobedi joo bo kopana mongwe le yo mongwe mo mafelong a botlhabanelo, Lusifa le Mikaele gape, jaaka ko tshimologong. Ba ntse ba bofilwe ka dingwaga di le dikete tse pedi, go batlile, go batlile go le dingwaga di le dikete tse pedi.

²⁰⁸ Eseng totatota dikete tse pedi, ka gore Baroma ba ne ba tswelela ba tsamaya, Tito ka A.D. 96, le go tswelela kwa tlase jalo, o bolaya Bajuta. Baroma! Ke mang yo neng a bolaya Bajuta? Tito e ne e le mang? Ramasole wa Moroma. Madi a ne a kgokologa go tswa ka dikgoro go ya ko tlase koo, godimo ko...ao, mme a ba ganyaola, basadi, bana, le sengwe le sengwe. A Esekiele 9 ga a a ka a re ba tlaa dira seo? “Feta mo gare ga motsemogolo mme o beye letshwao mo bathong ba ba fegelwang ebile ba lela,” mo—Mowa o o Boitshepo. Mme ba bangwe ba bone, “monna yo o ganyaolang o ne a tla kong,” yo o neng a tlaa bofiwa; ba tshware, ba tshware, go fithela ba tswela pele mme ba ganyaola sengwe le sengwe se se neng se le teng moo. Basadi ba bannyne, basadi, bana, masea, le sengwe le sengwe se sele, botlhe ba ne ba ganyaolwa. Totatota.

²⁰⁹ Gone ke mona gape, go a ipoeletsa. Mme tsamaiso eo ya tsa boruti ke ena e boela gone ko morago, e hupetsa gotlhelele, e gataka sengwe le sengwe se se bidiwang Modimo. Ao, ba na le ditsamaiso tsa bone, le makgotla, le makoko, fela moo ga go na sepe se se amanang le Baebele. Ba tlaa go bolelela ka bonako gore bona ebile ga ba dumele mo go Yone. Ee, rra. “Bua se kereke e se buang.”

²¹⁰ Ke se Modimo a se buang! Moo ke Lefoko. Monyadiwa o na le Mafoko; bone ke Bongwefela. Ba ka nna Bongwefela jang? Fa Lefoko leo, le le kwadilweng teng Moo, le nna mo go wena, mme le dira—le dira gore wena le Lefoko le nne Bongwefela. Seo ke totatota se A se sololeditseng.

²¹¹ Fong, Le a phutholola. Modimo ga a tlhoke mophutholodi. Ba re, “Sente, re Le phutholola *jaana*.” Ga o na tshwanelo ya go phutholola sepe. Modimo o dira phuthololo e e Leng ya Gagwe. Modimo ne a re, “A go nne lesedi,” mme go ne ga nna le lesedi. Ke mang yo o phuthololang seo? O ne a re, “Kgarebane e tlaa ithwala,” mme o ne a dira. Moo ga go tlhoke mophutholodi ope; go setse go phutholotswe. Modimo o rile dilo tsena di tlaa diragala mo motlheng ona, mme go ntse jalo. Ga go tlhoke mophutholodi ope. Go a Iphutholola. Ijoo!

²¹² Tshenolo 9:1, mo tlase ga Lonaka lwa Botlhano, kgosi ya bone... Lemogang, Tshenolo 9:1 jaanong, kgosi ya setlhophha se segolo sena sa dipitse di le dikete tse pedi. Ba ne ba na le kgosi a ba busa, mme, fa re lemoga, e ne e le naledi e e oleng. “Goreng o ole ko legodimong, Wena Lusifa?” Ao, ka fa Ngaka Smith a neng a tlhakatlhakantsha seo golo foo, fela, go siame, lo a bona, e ne e se ga oura ya gagwe. Lo a bona? Go siame. “E ne e le molete o

o senang bolekanngo; kgosi ya bone e ne e le kgosi ya molete o o senang bolekanngo.”

²¹³ Tshenolo 17:8. Ke kwadile sengwe fa tlase fano. Ke ile fela go se bala. Lo bona fano, Tshenolo 17:8. Ke batla go bona se e se buang fano, ka gore ga ke itse fela gore nka goroga jang kwa go e e latelang ena, 17:8.

Mme sebatana se o se boneng se ne se le teng, mme ga se teng; ebile se tla tlhatloga go tswa mo moletent o o senang bolekanngo, mme se tla ya ko tatlhelogong: mme bao ba ba agileng mo lefatsheng ba tla gakgamala, ba maina a bona a neng a sa kwadiwang mo bukeng ya botshelo—ya botshelo go tloga motheong wa lefatshe, fa ba ne ba lebile sebatana se se neng se le teng, se se seng teng, le se se santseng se le teng.

²¹⁴ Lo a bona, “ne a le teng,” mopapa a le mongwe o a swa, yo mongwe o a tlhatloga. “Sebatana se se neng se le teng, se se seng teng, se se leng teng; se se seng teng, se se leng teng.” Ga se fetole tsamaiso ya sone; ke mopapa, nako e e tshwanang, sengwe le sengwe. Sengwe le sengwe se tshwanetse se tsene mo tsamaisong e e tshwanang.

²¹⁵ Mme se tlaa tla kae? “Ko meleteng e e senang bolekanngo.” Mme Baebele ne ya bua fano, gore, “Moeteledipele wa bagoma bana o ne a tswa kwa meleteng e e senang bolekanngo, mme yoo e ne e le kgosi ya bone,” mme o dutse ka korone e e gararo, ebile a ipataganya le Maprotestante le ena.

²¹⁶ Ke utlwile moperesiti wa Molutere a re, maloba, ne a re... kgotsa, moreri wa Molutere, ne a re, “Sentle, batho ba a mpotsa gore goreng ke apara kho—kholar. Ba ka mpharologanya jang mo go...” A o ne o le teng? [Mokaulengwe a re, “Ee.”—Mor.] Eya. Mme, moo, a moo go ne go se mo go swabisang? Nna—nna ke batlile ke ikutlwa okare nka tlhtsa, ne ka tloga mo seraleng. Ba ne ba re, “Gonne, ga ba a tshwanela go nna pharologanyo epe.”

²¹⁷ Fa Lutere, Martin Lutere, a ne a tlaa utlwa seo, o ne a tlaa phetsoga mo lebitleng la gagwe, a re, “Baitimokanyi ke lona, ga lo maloko a mephato ya me.” Uh-huh. Lo a bona?

Fela lo a itse kwa go gorogileng gone? “Ga go na pharologanyo.”

²¹⁸ Go na le pharologanyo. Ebile go farologana mo mothong ka nosi. Modimo ne a re, “Ntomololeleng, e leng Paulo le Barabase,” go ntse jalo, “ka ntlha ya tiro.” Ntomololelang! Modimo ke molomologantshi, eseng motswakantshi. Molomolo-... Kereke e batla motswakantshi yo o botswerere, gompieno, yo o kgonang go ba letlelela ba apare diaparo tsa go thuma, le bomankopa, le sengwe le sengwe se sele, mme ba tswele ko ntle ba bo ba tswelela jalo. Fela Modimo ne a re, “Ntomololelang!” Itomologanye mo lefatsheng!

²¹⁹ Tshenolo, re fitlhela fano, gore, “kgosi ya bone e ne e tswa kwa meleteng e e senang bolekanngo,” mme ene yo o tshwanang yo “o neng a ya ko tatlhegong,” mo teng le ko ntle, mo teng le ko ntle, ne a tswa.

²²⁰ Lemogang mo go Lefitiko, kgaolo ya bo 23, ka fa phuthololo e itekanetseng ka tolamo le Lefoko, le se re lekang go se naya jaanong. Elang sena tlhoko jaanong, tolamo. Jaanong re a lemoga. A re buleng fela mme re baleng eo motsotsotso fela. Mo go Morer-... eseng mo go Moreri, fela Lefitiko. Lefitiko 23, jaanong lemogang sena fano, Lefitiko kgaolo ya bo 23 jaanong. Mme re batla gore re se fetwe ke sena gotlhellele, jaanong, gore re kgone go go tlhaloganya fela totatota ka tsela e Morena a go dirileng go kwalelwé rona fano. Nna go tlhomame ga ke kgone go fitlhela Lefitiko mo go Ekesodu, a nka kgona? Go siame, Lefitiko jaanong. “Mme Morena . . .” ya bo 23.

... *MORENA ne a bua le Moshe, a re,*

*Bua le bana ba Israele, o re, Mo kgweding ya bosupa,
ka letsatsi la ntlha la kgwedi, lo tla nna le sabata,
segopotso sa go letswa ga dinaka, le pitso e e itshepileng.
Lo a bona?*

*Lo tla dira . . . tiro ya setlhanka mo go lone: fela ga lo
ketla lo isa . . . ditshupelo tse di dirilweng ka molelo kwa
go MORENA.*

... *mme lo tla isa tshupelo e e dirilweng ka molelo kwa
go MORENA.*

²²¹ Jaanong elang tlhoko. Jaanong lemogang.

Mme MORENA ne a bua . . . Moshe, a re,

*Gape mo letsatsing la bo lesome la kgwedi ya bosupa
go tlaa nna le letsatsi la tetlanyo: . . .*

²²² Lo a bona, tetlanyo e ne ya latela te . . . Elang tlhoko jaanong. Tetlanyo e ne ya latela modumo wa lonaka. Lo a bona? Ka fa go leng go ntle ka gone! Lo a bona? Letsatsi la tetlanyo le ne la latela lonaka.

²²³ Jaanong—jaanong, malatsi a le masome a matlhano a dinaka, mo go rona, a tshwantsha fa lonaka lo ne lo gelebetega kwa pentekoste, mo e neng e le malatsi a le masome a le matlhano. Jaanong—jaanong—jaanong, morago ga sena, Bajuta ba ne ba gana Seo.

²²⁴ Jaanong Dinaka di tshwanetse go ba biletsha morago ko Tetlanyong eo, lo a bona, Tetlanyo e ba e ganneng. Mme ba ne ba gana gore matlho a rona a kgone go bulwa; a bone a ne a tswalwa. Mme mo nakong ena, Dikano tsena di ne tsa bulega, mme di—di—Dinaka di ne tsa gelebetega. Mme jaanong, mo go bulweng ga Dinaka, fela pele ga Mesia a tla, ka gore ba tshwanetse ba bo ba le ko Palestina. Mme lo a gakologelwa Modimo o ne a tshwanela go thatafatsa pelo ya ga Faro, go ba kobela kwa ntle ga Egepeto;

mme O ne a thatafatsa Stalin, Mussolini, le botlhe bao, go ba busetsa ko lefatsheng le le sololeditsweng, kwa ba ba dikete di le lekgolo le masome a manê le bonê ba tshwanetseng go nna gone.

²²⁵ Mme jaanong, lekgetlo la ntlha mo dingwageng di le dikete, dingwaga di le makgolo a le masome a mabedi le bothlano, gore Iseraele ke setshaba ka folaga e e leng ya yone, sesole se e leng sa yone, le tsotlhe, mme e ne ya elwa tlhoko ko u—ko UN. Lekgetlo la ntlha go nnileng go le jalo. Folaga e kgologolo go feta e e kileng ya ba ya phaphasela mo lefatsheng, ka nako ena, e phaphasela gape, ya bothlano... naledi ya dintlha tse thataro ya ga Dafita. O ne a re O tlaa tsholetsa sesupo seo mo methleng ya bofelo, fa a tlaa bo a boa. Re kwa bokhutlong. Ga go na pelaelo epe fela ka ga gone. Re fano.

²²⁶ Lemogang jaanong, ka bonako, Tshenolo 9, fa tlase ga lonaka la bosupa, “kgosi ya bone e tswa kwa meleteng e e senang bolekango.”

²²⁷ Fong mo go Lefitiko, jaanong, ka fa phuthololo e itekanetseng ka gone fano le Lefoko! Ka gore, lo a bona, ka bonako go latela, jubile ya pentekoste e ne ya latela letsatsi la tetlanyo; tolamo ya nako ya moletlo. Magareng ga moletlo wa pentekoste, go ya tetlanyong, modumo wa dinaka ka ntlha ya tetlanyo, e ne e le moletlo wa pentekoste, lobaka lo lo leeble lwa nako. Lebang, go ne go na le lobaka lo lo leeble lwa nako magareng ga moletlo wa pentekoste, go ya pitsong ya lo—ya lonak... kutlwatsong ya dinaka, di—dinaka gore di utlwatswe; lobaka lo lo leeble la nako. Ka tshosologo, e ne e le malatsi a le masome a le matlhano, go tloga mo—go tloga mo—go tloga mo moletlong wa pentekoste go ya moletlong wa tetlanyo, e ne e le malatsi a le masome a le matlhano. Jaanong, malatsi a le masome a matlhano ke totatota disabata tse supa.

²²⁸ Mme disabata tse supa ke dingwaga tse supa tsa kereke, Dipaka tsa Kereke. Lo a go tlhaloganya? Lo a bona? Lo a bona? Jaanong, Bajuta ba ne ba foufaditswe, ba letile nako yotlhe ena, fa Mabutswapele a pentekoste a santsane a tshollelwa mo Kerekeng. Mme re fologile go ralala dipaka tsa baswelatumelo, le go fologa go ralala dipaka tsa motokafatsi, mme jaanong mo pakeng ya go biletswa ntle; makgamu a le mararo, Mowa o o tshwanang; jaaka Rara, Morwa, le Mowa o o Boitshepo, Ena yo o tshwanang. Lo a bona? Fela, Dipaka Tse Supa Tsa Kereke, e leng disabata tse supa.

²²⁹ Totatota bo sabata ba le supa go tswa mo le—mo lonakeng la pentekoste la jubile...moletlo wa pentekoste wa jubile, go fitlheleng... Go fokisiwa ga ngata, mme go tlogue go nne jubile ya pentekoste. Mme fong go tloga mo tuduetson go ya ko tetlanyong ke disabata di le supa, malatsi a le masome a matlhano, mme kwa bokhutlong jwa malatsi a le masome a

matlhano ke te—tetlanyo e dirilwe. Lo a go tlhaloganya? Jaanong, mme mona e ntse e le setshwantsho, gore Kereke . . .

²³⁰ Nako e A neng a senolwa, ka Sebele, e le Morwa Modimo, a ne a ntse a senolela Kereke mo kolobetsong ya Mowa o o Boitshepo, go fologa go ralala dipaka, mo pa—pakeng ya pentekoste, lo a bona. Go tswelela fela go nna mo go fetang le mo go fetang; tshiamiso mo tlase ga Lutere, boitshepiso mo tlase ga Wesele, kolobetsosya Mowa o o Boitshepo.

²³¹ Jaanong fano ke nako ya go biletswa ntle. Kwa Sekanong sa Borataro, nako e se—nako e se neng se bulega, pogiso e ne ya itaya Bajuta, fa go lejwa ka tsela ya ka fa ditlhaka di kwadilweng ka teng; mme fano go tla pogiso mo kerekeng, fa go lejwa go ya ka mogopolwa baruti mo kerekeng; ka gore, Monyadiwa o setse a biditswe. Disabata di fedile, mme go baakanyeditswe gore Bajuta ba bidiwe. Ko kae? Moletlong wa Tetlanyo. Ao, kereke, a ga lo bone seo? Ba biletswa kwa moletlong wa Tetlanyo, (eng?) go lemoga Tetlanyo; eseng go tlhola ba le dikoko le dihudi, le se ba ntseng ba se dira. “Kwana ya Modimo, e e bolailweng go tloga motheong wa lefatshe,” Iseraele e ile go itse Seo.

²³² Lemogang, selo se segolo ke sena. Lebang! Ijoo! Mowa o o Boitshepo o ntse o bofilwe ke makoko, dingwaga tsotlhe tsena tse di dikete tse pedi. Re fitlhela gore, O dirile. Jaanong lemogang disabata, disabata tse supa, ba ne ba sa kgone go ya tsela yothle ya go tswa. Bae—Baebele ne ya re, “Go tlaa nna le letsatsi le le sa tleng go nna bosigo kgotsa motshegare.”

²³³ “Mme Dikwalo tsotlhe,” Jesu ne a re, “di tshwanetswe di diragadiwe.” A go ntse jalo? E reng, “Amen.” [Phuthego ya re, “Amen.”—Mor.]

²³⁴ Moporofeti ne a re, “Go tlaa nna le letsatsi le le ka se bidiweng motshegare kgotsa bosigo, fela mo nakong ya maitseboa go tla nna Sedifala.”

²³⁵ E ne e le eng? Letsatsi le le tshwanang le le phatsimang ko Botlhaba ke letsatsi le le tshwanang le le phatsimang ko Bophirima.

²³⁶ Nako nngwe le nngwe fa letsatsi leo le tlthatloga, mme le kgabaganya le bo le kotlomela, le raya botshelo jwa gago. Ngwana yo monnye a tsetswe, a le bokoa, mo mosong. E ka nna nako ya ferabobedi, o tsena sekolo. Masome a mararo morago ga lesome le motso, o dule mo sekolong, ke mogote wa letsatsi. Fong le simolola go phirima, go ya dingwageng di le masome a matlhano, masome a marataro, masome a supa, masome a ferabobedi, masome a ferabongwe. Le dula ka kwa le bo le swa; fela go boa letsatsi le le latelang, mme a re, “Go na le botshelo, loso, phitlho, tsogo.”

²³⁷ Mme, lemogang, tlhabologo e tsamaile le letsatsi. Tlhabologo e kgologolo go feta e re nang nayo ke China. Mongwe le mongwe o itse seo.

²³⁸ Mowa o o Boitshepo o ne wa fologela kae? Ko lefatsheng la kwa Botlhaba, ko bathong ba kwa Botlhaba. Mme Efangedi e tsamaile le letsatsi. E tswa kae? Go tswa ka kwa ko Botlhaba, go ya ka ko Jeremane, go tswa Jeremane go ya Engelane... Ne ya kgabaganya moedi gararo. Mediterranean go ya ka ko Jeremane, go tswa Jeremane... Go tswa kwa go Mediterranean, go tswa Botlhabatsatsi, go ya ka ko Jeremane, go ralala Mediterranean; go tswa Jeremane, go kgabaganya English Channel, go ya ka ko Engelane; go tswa mo English Channel, go kgabaganya Pacific go ya ka ko... kgotsa Atlantic, go ya ka ko United States.

²³⁹ Mme jaanong yone e kwa Letshitshing la Bophirima. E kgabagantse setshaba se e se tlhabolotseng ya ba ya se kgabaganya, ya bo e tswelela e ya. Tlhabologo e a sepela; Efangedi e sepetsi le yone. Jaanong mmoko otlhe o fa Letshitshing la Bophirima, kwa sengwe le sengwe se o neng wa se tsaya, jaaka lekhubu le le tona la dintelo le tsena.

²⁴⁰ Fela moporofeti ne a re, “Morwa ga a tle go phatsima ka letsatsi lena; e tlaa mna letsatsi la boitlhobogo.” Ba nnile le Lesedi le le lekaneng, jaaka letsatsi la mmannete le le pula, ba ka kgona go ipataganya le dikereke, mme ba dumele Morena, le dilo tse di jalo. Fela, o ne a re, “Mo nakong ya maitseboa, maru a tlaa tloga, makoko a tlaa nyelela ka bonya.” Mme Efangedi e e tshwanang, Lefoko le le tshwanang le dirilwe nama, jaaka A soloeditse mo go Luka 17:33. Efangedi e e tshwanang, ka selo se se tshwanang, e tlaa diragala ka nako ya maitseboa, fela fa meriti e ya kwa tlase. Efangedi e e tshwanang, Keresete yo o tshwanang yo neng a tshela mo nameng morago kwa tshimologong, mo bathong ba kwa Botlhaba, o tla tshela gape mo bathong ba fa Bophirima kwa bokhutlong jwa nako. “Go tla bo go le Lesedi mo nakong ya maitsiboa.”

²⁴¹ “Dikwalo tsotlhe di newa ka tlhotlheletso,” mme ga di kake tsa tlolwa.

²⁴² Malatsi a matona a le masome a matlhano a fetile. Moletlo wa pentekoste o fetile, disabata tse supa; go fitlhela kwa dinakeng, setshwantsho sa Paka ya Kereke ya Bosupa. Gakologelwang, gakologelwang, mo...fa tlase ga Lonaka lwa Borataro, Mojuta...A lo reeditse? [Phuthego ya re, “Amen.”—Mor.] Mo tlase ga Lonaka lwa Borataro, ma—Mapentekoste ba gana Baebele; ba—ba ba mololo, eseng Mapentekoste a le nosi, botlhe ba bangwe. Lefatshe la kereke le gana Keresete mme O kobelwa kwa ntle. Mme mo Lonakeng le le tshwanang... Mme Sekano se se tshwanang, ke raya moo, nako e Se neng se bulwa ka yone, se supegetsa Jesu ka fa ntle ga kereke, a leka go boela mo teng; ka nako e e tshwanang, Lonaka lo poromela Bajuta, mme Bajuta ba lemoga Tetlanyo. Kgalalelo! Haleluya! Ijoo!

²⁴³ Mowa o o Boitshepo o ntse o golegilwe ke dinoka tsena tsa makoko, go batlile go le dingwaga di le dikete tse pedi, fela o tshwanetse o gololwe mo nakong ya maitseboa, ke Molaetsa wa nako ya maitseboa. Mowa o o Boitshepo o boetse mo Kerekeng gape; Keresete, ka Sebele, a senotswe mo nameng ya motho, mo nakong ya maitseboa. O ne a bua. O go soloeditse.

²⁴⁴ Go ne go na le dikgato di le tharo tsa gone, jaaka ke buile. Baswelatumelo, paka ya moswelatumelo, ka ntlha ya gone; mme go tloge go nne legato la batokafatsi; mme jaanong nako ya go biletswa ntle.

²⁴⁵ Nako e go weditsweng, kwa Pakeng ya Laodikea, go ya ka Tshenolo 10, bosaitseweng jwa Baebele yotlhe bo tlaa itsiwe ke Monyadiwa. A go ntse jalo? Tshenolo 10. Reetsang ka tlhoafalo jaanong. Uh-huh. Monyadiwa, a bileditswe ntle ke Lefoko; Keresete ka Sebele a bilesa Monyadiwa ko ntle, go dira Bahebereg 13:8, gore Ena o “tshwana maabane, gompieno, le ka bosaeng kae,” o dira se se tshwanang, o a tshwana. “Yo o dumelang mo go Nna, ditiro tse Ke di dirang o tlaa di dira le ene.” Lo a bona? Luka 22 . . . Kgotsa, Luka 17:30, le gape Malaki 4, Bahebereg 4:12, Dikwalo tsotlhe tsena tse di soloeditsweng, mona go tshwanetse go nne magareng ga Sekano sa Borataro le sa Bosupa, le lonaka la Borataro le la Bosupa.

²⁴⁶ Moletlo wa Pentekoste o fela kwa nakong ya Lonaka lwa Bosupa, gonne mo go latelang ke go Tla ga . . . Sekano sa Bosupa, gonne mo go latelang ke bosaitseweng jwa go Tla ga Keresete, mme, gape, Lonaka le leletswa Bajuta. Lonaka lwa bone lwa Borataro lo a utlwatswa, mme, nako e lo dirang, lo ba itsise Morwa Modimo yo o senotsweng; halofo e le nngwe ya oura ya sebaka. Gakologelwang, Dinaka tsotlhe di utlwala mo Sekanong sena sa Borataro. Sekano sa Borataro se wetsa bosaitseweng, mo tlase ga Sekano sa Borataro, fela pele ga sa Bosupa se bulwa.

²⁴⁷ Lemogang, Lefitiko 23:26 ke ena. Lokwalo le mo tolamong jang! Morago ga sebaka se se leelee sa pentekoste, e Israele e neng ya e gana kwa morago kwa; mme O ne a biletsha Kereke ya Baditshaba ko ntle, ka moletlo ona wa pentekoste. Ke ba le kae ba ba tlhaloganyang se moletlo wa pentekoste o leng sone? Ke leungo la . . . mabutswapele a thobo, mabutswapele a tsogo, moletlo wa pentekoste.

Lo se fetweng ke sena, batho! Mme, lona mo theiping, reetsang ka tlhoafalo!

²⁴⁸ Ena e ntse e le nako ya moletlo wa pentekoste. Bajuta ba ne ba dula ba didimetse; ba ne ba O gana. Jaanong ba tshwanetse ba biletswa morago ko Tetlanyong. Re itse Yo Tetlanyo e neng e le ene; ga ba a ka ba dira. Mme Lonaka lo a gelebetega, morago ga jubile ya pentekoste, lo kgobokanya Bajuta. A ga lo kgone go bona ka fa Lonaka leo, la pogiso mo tlase ga ga Hitler le bone,

le neng la phatlakantsha? Mme Bajuta ba ne ba patelesega go kgobokana, go diragatsa Dikwalo.

²⁴⁹ Jaanong lo a go tlhaloganya? Botlhe ba ba go tlhaloganytseng, e reng, “Amen.” [Phuthego ya re, “Amen.”—Mor.] Go siame. Go siame.

²⁵⁰ Lemogang fano mo go Lefitiko, 26 jaanong, tolamo ya Dikwalo. Morago ga lobaka lo lo leeble la pentekoste, mo go felelelang mo piletong ya Monyadiwa ko ntle, Monyadiwa o biletswa ntle ke motlhanka. Yo o Gannweng, mo go latelang, gore a itsege ko go Iseraele, moletlo wa Tetlanyo. Lemogang, fano go tshwana le mo go Lefitiko kgaolo ya bo 16, jaanong, fa A ne a laela moletlo wa pentekoste...kgotsa moletlo wa tetlanyo, fela mo lefelong lena bona ba a bidiwa . . .

²⁵¹ Ao, ka fa go itekanetseng ka gone! Go tlhaloganyeng, bareri. Lo a bona? Lo seka lwa fetwa ke gone, badiredi.

²⁵² Mo moletlong ona wa pentekoste, o o emetsweng mo go Lefitiko 23:26, kgotsa 23 le 24, ke moletlo wa khutsafalo, eseng polao, ya moletlo. Moletlo o ne wa bolawa . . . Tetlanyo e ne ya bolawa, ke raya moo. Tetlanyo e ne ya bolawa. Lefitiko 16, ke totatota papiso mo go yone. Fela, mo lefelong lena, go bitswa Iseraele go hutsafalela maleo a bone. Ka fa go itekanetseng ka gone, gompieno! Ga se polao seša ya Yone; mo e leng gore, Moshe o ne a kaya, ka go itaya lefika lekgetlo la bobedi; ga go a ka ga bereka. Eseng polao, ya moletlo; fela khutsafalo, ya go gana Tetlanyo. Ijoo! Mona e tlaa bo e le Lonaka; moletlo, o ganwe, go tloge go nne Mesia wa bone a itsisewe.

²⁵³ Lemogang, ba tlaa itse Mesia wa bone nako e ba Mmonang. O tla ka thata, nako ena, Ene yo ba neng ba mo soloftse. O tla ka thata, a direla Monyadiwa wa Moditšhaba, mme Bajuta ba ile go Mo lemoga. Mme fong Baebele ya re . . . Re fetsa go rera ka ga gone fano, go ka nna dikgwedi di le thataro tse di fetileng, kgotsa go feta. Baebele ya re, fa ba re, “O tsere kae dintho tseo?” Ke ba le kae ba ba gakologelwang Molaetsa? Tsholetsa seatla sa gago. Go tlhomame, wena . . . Lo a bona? “O tsere kae dintho tseo?”

O ne a re, “Mo ntlong ya ditsala tsa Me.”

²⁵⁴ Lo nkgakologelwa ke rera ka na—nako e Jakobo a neng a rometse bana ba Iseraele golo koo go tsaya dilwana, le dijo le dilwana, le ka fa Josefa a neng a itshola okare o ne a sa ba itse; le ka fa dilo tsotlhe tsena di neng tsa tswelela ka gone, morago o ne a ikitsise? Lo a gakologelwa? Mme ba ne ba tshogile thata, ba ne ba simolola go lela. Go tshwana le bothata jwa ga Jakobo.

²⁵⁵ Mme fano re fitlhela Bajuta fa tlase ga pogiso; ga ba itse kwa ba emeng gone jaanong, fela ba a boa.

²⁵⁶ Mme fa ba bona Tetlanyo e tlhagelela, Baebele ne ya re, “Fa ba ne ba go bona,” ba ne ba re, “ba ne ba tlaa kgaoganya legae le lengwe mo go le lengwe, mme ba lele ka malatsi, jaaka le—jaaka

lelwapa le le latlhegetsweng ke morwa wa bone yo o nosi. ‘O tsere kae dintho tseo?’”

O ne a re, “Mo ntlong ya ditsala tsa Me.” Lo a bona?

²⁵⁷ Gakologelwang, Monyadiwa o setse a le ko Legodimong; mosadi wa ga Josefa o ne a le ko mošateng. Mme Josefa o ne a phatlalatsa sengwe le sengwe se tloge mo tikologong ya gagwe, mme o ne a ikitsise bakaulengwe ba gagwe; lo a bona, Mosadi wa Gagwe le bana le bone ba ne ba le ko mošate nako e A boang go Ikitsise Bajuta. Ke eo Tetlanyo. Lonaka lwa gago lwa modumo ke leo. Foo ke kwa ba reng, “Ao!” Gone ke eng? Tetlanyo ke eo. “Dintho tseo di tswa kae?” Gone ke moo.

“Mo ntlong ya ditsala tsa Me.”

²⁵⁸ Lo gakologelwa se bakaulengwe ba ga Josefa ba se buileng? Goreng, ba ne ba re, “Jaanong re tlala bolawa, go tlhomame mo go lekaneng. Re dirile seo. Re dirile bosula jo bo ntseng jalo.”

²⁵⁹ O ne a re, “Nnyaya, Modimo o dirile sena go boloka botshelo.” Lo gakologelwa polelo, mo go Genesi? Lo a bona? Lo a bona? O ne a go dira jalo ka tsela ena, go boloka botshelo jwa Baditshaba, Monyadiwa. Ne a re, “Ke di bone ko ntlong ya tsala ya Me; fela lo seka lwa šakgala, lo a bona, lo seka lwa itshoga.”

²⁶⁰ Ba re, “Ijoo! A rona tota re paletswe ke go Mmona? A moo e ne e le Tetlanyo, mme re paletswe ke go Go bona? Ao tlhe Modimo!” Mme ba ne ba re, “Bona fela ba a ikgaoganya, mme ba hutsafale malatsi.” Gone ke eng? Tetlanyo; khutsafalo. Nako ena, go tla ga go itsise, Tetlanyo, ga se tetlanyo e e tlwaelegileng e bolawa, jaaka mo go Lefitiko 16. Fela Lefitiko 23 ke nako ya khutsafalo, ya maleo a bone. Mme, maleo a bone e ne e le, ba ne ba E gana.

²⁶¹ Ao, a ga lo bone fa re leng gone? A ga lo bone gore goreng Dinaka tseo di sa kaye sepe mo go rona? Tsothe di ne tsa poroma fa tlase ga Sekano sa rona sa Borataro. Lo a bona jaanong goreng Mowa o o Boitshepo o ne wa se rate go nttelelela ke go bue? Mme Rara wa Legodimo o a itse, ka Baebele ena fa pele ga me, moo ke Boammaaruri. Ke ne ke sa go itse go fitlheleng maabane, letsatsi pele ga maabane; mo kamoreng ya me koo kwa A go senotseng gone, ne a tla ko go nna mme a bua le nna. Ke ne ka boa, ke ne ka re, “Mosadi, ke a go tlhaloganya jaanong. O fetsa go kopana le nna teng koo mme a mpolelela. Gone ke mona, moratiwa.” Lo a bona? Lo a bona, gone ke moo, lo a bona, ka boitekanelo fela mo thokgamong.

²⁶² Ao, batho ba ba senang Ena, tsenang ka bonako! E ka nna ya bo e le tšhono ya bofelo e o ka bang wa kgona go nna nayo. Ga lo itse gore ke nako efeng e A ka nnang a tla ka yone.

²⁶³ Moletlo wa dinaka. Baebele ya re, “Ba tlala ikgaoganya, mongwe go yo mongwe, mme ba rapele ba bo ba lela, ka gore go jaaka motho ka ngwana wa bone yo o nosi a neng a timetse.”

²⁶⁴ Lebang, ke batla go bua selo se le sengwe gape. Ka tlhoafalo jaanong; lo se fetweng ke sena. Ka fa go gakgamatsang ka gone! Go tloga mo Molaetseng wa moengele wa bosupa (morongwa wa Sekano sa Bosupa) mo go Tshenolo 10, e ne e le Sekano sa Bosupa, go ya Dinakeng tse Supa, magareng ga dinako tse pedi tseo . . .

²⁶⁵ Ao tlhe Modimo, re ka bua Sena jang, go dira gore batho ba Se bone?

²⁶⁶ Ke magareng ga Lonaka leo la Borataro, le Lonaka lwa Borataro le . . . Lonaka lwa Borataro le Sekano sa Borataro di utlwala ka nako e e tshwanang. Mme magareng ga Lonaka lwa Borataro le Lonaka lwa Bosupa, go na le moporofeti go bonala fa pele ga Baditshaba, go biletsha batho morago ko Thutong ya kwa tshimologong ya pentekoste; mme basupi ba babedi ba Tshenolo 11 ba bonala ko Bajuteng, go ba romela ko go Jesu, nakong ya fa Kereke e ntseng e tlhatlosiwa. Botlhe ba bone, baporofeti! Amen! Lefoko la Morena ga le kake la tlolwa. Ga E tle go nna lekoko! A lo a go bona?

²⁶⁷ Balang mo Bukeng ya lona fano mme lo boneng fa e le gore magareng ga Lonaka lwa Borataro le lwa Bosupa ga go a tsenngwa teng moo, go letla Bajuta ba biletswa ntle magareng ga Petso ya Borataro le ya Bosupa, re ne ra tla golo ka ko go ba ba dikete di le lekgolo le masome a manê le bonê bao (lo gakologelwa seo?), ba ba neng ba le fa gare ga seo. A lo a gakologelwa? Magareng ga sa bo-bo-Borataro, Sekano sa Botlhano le Sekano sa Borataro . . . Magareng ga Sekano sa Borataro le Sekano sa Bosupa, go ne go na le piletso ntle ya ba ba dikete di le lekgolo le masome a manê le bonê. Lo gakologelwa seo? Jaanong foo ke kwa dinaka tsena di tsenang gone foo, lo a bona, mme pogiso, le dipitse di ne tsa tswelela di bofololwa foo.

²⁶⁸ Fong, magareng ga seo, fong go ne go tshwanetse go nna le Molaetsa wa moengele wa bosupa, yo o ntseng a rera ebile a kgala Mapentekoste. Mme Jesu o ne a ntshreditswe ko ntle; ne a sa tle go bona tirisanyo mo go ope, o kobelwa ko ntle, a gannwe. Baebele ne ya rialo. Gonne, ke Keresete a bonaditswe mo gare ga rona, Jesu mo gare ga rona rotlhe, a bonaditswe mo boitshekong jwa Lefoko la Gagwe, a Le itsise. Mme fa moo e le . . .

²⁶⁹ Mona ga se fela ga maitirelo ka boithatelo, ditsala. Mona ke MORENA O BUA JAANA, Lokwalo.

²⁷⁰ Mme ka nako e e tshwanang . . . Jaanong, ka bonako fa Kereke ena (Monyadiwa) e kokoanngwa, O a tlhatloswa; mme bosaitseweng joo jwa Sekano sa Bosupa, kgotsa Sekano sa Bosupa, bosaitseweng jwa go tsamaya. Mme Bajuta ba bidiwa ka bosaitsiweng jwa Lonaka lwa Bosupa, jo e leng baporofeti ba le babedi, Elia le Moshe, mme ba a boa. Mme foo ke kwa Mapentekoste a tlhakathhakaneng gone; ba soloftse sengwe gore se diragale; Kereke ga e bolo go tsamaya. Mme moo ke ga Bajuta.

²⁷¹ Jaanong, ke ikutlwa mo monaganong wa mongwe, ke re, "Yoo e ne e ka se nne Moshe." Ee, ke gone. Jaanong, lo a gakologelwa, O kgona go mpolelela dikakanyo tsa gago. Uh-huh. Uh-huh. Ke tswelela ke utlwa moo gape- . . . Go siame.

²⁷² Mpe ke go lolamisetse seo. E ne e le Moshe. Ka gore, kakanyo ya gago ke ena. Wa re, gore, "Moshe, go ne go ka se nne Moshe, ka gore Moshe ne a swa." O akanya gore ke Elia. Ke Elia, nnete. E le gore, o a akanya, "Ke Enoke." Wa re, "Moshe o setse a sule." Fela, gakologelwa, o ne a kgona go boela mo botshelong gape. O dirile. Dingwaga di le makgolo a ferabobedi morago, dingwaga di le makgolo a le mmalwa morago, o ne a bonala mo Thabeng ya Phetogo. Wa re, "Morago ga motho a sena go swa?" Ee, rra. Lasaro o ne a sule; a tsosiwa gape; mme a tloga a tshwanela go swa gape. Lo a bona? Go tlhomame. Uh-huh. Mme le e leng baikepi ba tlaa rudisiwa gape, mme ba tloge ba tshwanele go swa loso lwa bobedi. A go ntse jalo? Jalo he tlosang seo mo monaganong wa lona. Ke Moshe. Ela tlhoko bodiredi jwa gago, fela totatota se Moshe le Elia ba se dirileng; ba tswala magodimo mme ba gasa molelo mo go one. Lo itse selo se ba se dirileng.

²⁷³ Akanya ka ga gone! Ke nako ya bokhutlo, batho. Haleluya! Letsatsi le legolo la Morena le gaufi. Ikokoanyeng ga mmogo. Moletlo wa ga Mesia; ba tlaa Mo gana, mme ba tlaa fitlhela gore Mesia wa bone ke yoo. Baebele ne ya ba bolelela dilo tse di lemosegang jaaka tsena di tlaa diragala.

²⁷⁴ Mo go Tshenolo 11, pits, bodiredi jwa bone e tlaa bo e le bodiredi jwa ga Moshe le Eliase ba bitsa Iseraele, go tswa mo dingwaong tsa Bajuta; fela jaaka Molaetsa wa moengele wa bosupa o bileditse Monyadiwa ko ntle ga ngwao ya Pentekoste. Gakologelwang, Moshe le Elia ba tshwanetse go biletsha Iseraele ko ntle ga tetlanyo ya kgale ya kwana, le dinku, le madi, le dipodi, le setlhabelo, ko Setlhabelong sa mmannete se se tshelang, ko Lefokong.

²⁷⁵ Mme Molaetsa wa moengele wa bosupa, fa tlase ga Lonaka le le tshwanang, sengwe le sengwe se se tshwanang totatota, Sekano se se tshwanang, ke go (eng?) biletsha batho, Monyadiwa, ko ntle ga ngwao ya Pentekoste le ya lefatshe, go ya ko Tetlanyong ya popota, Lefokong, Keresete a etsitswe mo Lefokong la Gagwe fano, a dirilwe nama mo gare ga rona. Maranyane a go rurifaditse, ka ditshwantsho. Kereke e a go itse, go dikologa lefatshe. Re go itse ka nitamo, gonno ga A ise a re bolelele selo se le sengwe mo go MORENA O BUA JAANA fa e se se e ntseng e le Boammaaruri. A ga A a ka a re, golo koo mo nokeng, "Jaaka Johane Mokolobetsi a ne a rometswe, le Morongwa yona o tlaa gogela ntle . . ."

²⁷⁶ Ke ne ka leba kwa godimo, mme ena ke nako ya lesome le bobedi. Oura ya bosigogare e fano, ditsala, mo go rona. Lo

bona ka fa Lokwalo le itekanetseng ka gone? Ka boitekanelo, ka fa Le...

²⁷⁷ Gore, lebang, moo ga e tle go nna lekgotla lengwe le le fologelang koo mme le bitse Bajuta. E ile go nna banna ba le babedi, Moshe le Elia. Boobabedi, baporofeti.

²⁷⁸ Jaanong lebang. Go biletsha Baditshaba, Monyadiwa ko ntle, O soloeditse mo go Malaki 4 go dira selo se se tshwanang.

²⁷⁹ Mme Baebele ne ya re O tlaa kobiwa mo kerekeng, mo Pakeng ya Kereke ya Bosupa. O tlaa kobiwa mo kerekeng. E tlaa fetoga go nna e ntsho gotlhelele, mme e ye... Yone e ntshofala kae? E tsena ka mo tsamaisong ena ya tsa kereke le boruti, ka mo lekgotleng lena la ekumenikele, Lekgotleng la Dikereke tsa Lefatshe. Ena... O kobetswe ntle gotlhelele. Lefoko la Gagwe, ga ba kgone go dumalana le Lone. Lo a itse ga ba kgone. Ga ba kgone le e leng go dumalana mo dithlhopheng tsa bone tse dinnye tsa fa gae; ba ile go dumalana jang ka Seo? Jalo he, ba tsaya letshwao le lengwe la sebatana, setshwantsho sa sebatana. Gakologelwang, Baebele ne ya re, "Go ne ga nna le setshwantsho se se neng sa direlwaa sebatana."

²⁸⁰ Mme United States ena e ntse ka gale e le nomore lesome le boraro. E simolotse ka mafatshe a le lesome le boraro, dikholoni di le lesome le boraro; dinaledi di le lesome le boraro, methaladi e le lesome le boraro; nomore lesome le boraro, mme ka gale e le mosadi. O bonala mo kgaolong ya bo lesome le boraro ya Tshenolo. Mme, santlha, yone ke kwana; bopelonolo, kgololesego ya puo, kgololesego ya bodumedi, le jalo jalo; mme fong ba ne ba amogela thata, mme ba bua ka thata yotlhe e kgogela e neng e na nayo fa pele ga yone. Gone ke eng? Kgogela e ne e le eng? Roma. Lo a bona, e ne e na le letshwao, setshwantsho sa sebatana, go lwa kgatlhanong le Kereke ya mmatota ya Modimo. Mo tlase ga makoko ao, go tlaa betsa selo sena! Fela, fa ba simolola go go dira:

Kwana e tlaa tsaya Monyadiwa wa Gagwe
gore le ka nako epe a nne fa letlhakoreng la
Gagwe,

Lesomo lotlhe la Legodimo le tlaa bo le
kokoane;

Ao, e tlaa bo e le pono e e galalelang, baitshepi
botlhe ba ba senang selabe;

Mme le Jesu ba tla keteka ka Bosakhutleng.
Amen!

"Tlang le jeng," Morena o a bitsa, "Tlang le
jeng." (Amen!)

²⁸¹ A letsatsi le re tshelang mo go lone, oura! Sianang, batho, sianelang matshelo a lona!

²⁸² Lemogang jaanong, mo go tswaleng, bodiredi jaaka moenengele wa bosupa. Basupi ba babedi, mo tlase ga Lonaka

le Supa, fela pele ga...kgotsa, Lonaka la Borataro, fela pele ga Lonaka lwa Bosupa le fe-...

²⁸³ Jaanong, gakologelwang, mme ke lo boleletse gore ke tlaa busa sena, “Lonaka le Legolo.” O ne a re, O ne a tlaa dira eng, ka kwano mo go Isaia? O ne a re, kwa go...“Lonaka le Legolo le tlaa gelebetega. Lonaka le Legolo!” Eseng Dinaka jaanong, moletlo wa dinaka; go na le di le pedi tsa tsone, Moshe le Eliase, go bitsa Lonaka. Fela, mo tlase ga “Lonaka le Legolo,” go Tla ga Morena, go itsise Josefa a boa, lo a bona, gore ditshaba tsotlhe di tlaa phuthega kwa Jerusalema. Amen. O fitlhela seo mo Bukeng ya ga Isaia. Ke fetsa go go lo naya, kgantele, nngwe ya dikgaolo tseo tse re di badileng; moo ke mo go Isaia 18:1 le 3. Mme mo go Isaia 27:12 le 13, ke kwa A utlwatsang gone “Lonaka” leo, mme ditshaba tsotlhe di tlaa lemoga Israele mo lefatsheng la gabo yone, Modimo a na nae.

²⁸⁴ Fong Monyadiwa o tlaa tla go nna le Monyadi, le Monyadi a nne le Monyadiwa; mme fong Mileniamo yo mogolo, morago ga lefatshe lotlhe le senngwa ka thata ya athomiki. Mme go tlaa nna le “magodimo a maša le lefatshe le leša,” di tla tshelela ruri.

²⁸⁵ Lebang, gone mo tlase ga...Jaanong lemogang, bodiredi jwa ga Moshe le Elia bo tlaa...Jaanong, mongwe le mongwe o a go tlhalogany? Mpe ke go bueng gape. Bodiredi jwa ga Moshe le Elia, magareng ga Lonaka lwa Borataro le lwa Bosupa, e tlaa bo e le baporofeti ba le babedi ba ba tlaa...bone...Israele e tlholo e dumela baporofeti ba bone.

²⁸⁶ Jaanong, goreng Mowa o o Boitshepo o ne o nthaya o re fa ke ne ke simolola go ya golo koo, go ba supegetsa gore O ne a le Morwa Modimo, ne a re, “ga e ise e nne nako”? Lo gakologelwa seo, go ka nna dingwaga di le tlhano tse di fetileng, mo tseleng ya me go ya ko India? Ne a re, “O sekwa go dira.”

²⁸⁷ Ke ne ka re, “Ba rile, ‘Fa yona e le Mesia, a re Mmoneng a dira susupo sa moporofeti. Re dumela baporofeti.’”

²⁸⁸ Mokaulengwe Lewi Pethrus le bone ba ne ba nthomelela Dibaebele tseo; nako e ba neng ba aba sedikadike sa tsone ko Bajuteng bao ba ba neng ba tswa ko Iran le gongwe le gongwe, ba boa, ba ikokoanya ga mmogo, ba fetoga ba nna setshaba.

Ke ne ka akanya, “Ena ke nako ya me.” Ke ne ke setse... Cairo, Egepeto.

²⁸⁹ O ne a re, “O sekwa go dira jaanong. Oura ga e ise e nne yone ka nako e.” Fong ke ne ka boela gae. Uh-huh. Ijoo!

²⁹⁰ Moshe le Elia ba tshwanetse ba bitse. Jubile ya pentekoste e santse e tswelela, kgotsa ba ne ba tshwanela go tsamaya nakong ena. Lo a bona? Jaanong moletlo wa Dinaka o tshwanetse o itsiwe. Mme yona ka kwano wa ga Malaki 4 ga a a golagana le yole ka kwa; le goka, le goka. Lemogang, elang tlhoko fano,

bodiredi e tlaa bo e le Moshe le Elia, ba fetola ebile ba bitsa Iseraele go tswa mo dingwaong tsa Bajuta, reetsang, go tswa mo dingwaong tsa Bajuta tse ba neng ba tlhakatlhakane mo go tsone. E leng baporofeti, ba tlaa dumela—ba tlaa mo dumela, a ba biletsha ko moletlong wa Tetlanyo, Keresete, a ba lettlelala gore ba lemoge Keresete. Ba tlaa re, “Ó etla. O tlaa bo a le fano.” Bajuta ba tlaa bo ba phuthega, dilo tse di ntseng jalo.

Mme fong fa A tla, a re, “Ke nna yo.” Lo a bona?

“O tsere kae dipadi tseo?”

“Mo ntlong ya ditsala tsa Me.”

²⁹¹ Jaanong, go tshwana le jaaka baporofeti ba babedi bao ba dirile! Gakologelwang, Monyadiwa wa Moditšhaba o tshwanetse go nna le moporofeti, yo o bidiwang Eliase, Elia, yo o tshwanetseng go ba biletsha ko ntle ga dingwao tsa bone, Monyadiwa; go tshwana fela le ka fa baporofeti bana ba neng ba bitsa Bajuta go tswa mo Bojuteng, go ya ko go Keresete, Tetlanyong. Mme Baditšhaba ba setse ba itse Tetlanyo, fela ke go biletsha Monyadiwa morago ko Tetlanyong ya kwa tshimologong, kwa bano (disabata di le masome a matlhano) di... Disabata tsotlhе tse supa tse ba di tlogetsweng; ba ba biletse morago kwa nakong ya bokhutlo. Tse supa... Reetsang! Morongwa wa Kereke ya Bosupa, morongwa wa Lonaka le Supa, ke baporofeti botlhе. Jaanong, go ntse jalo.

Ba ba tsentsweng, ke ba ba dikete di le lekgolo le masome a manê le bonê.

²⁹² A bitsa, Dikano, tse di neng di le tsa Baditšhaba. Go ne go tshwanetse go nna jalo mo Baditšhabeng, go bulela Baditšhaba, go bona Kereke ya Baditšhaba. Moo ke gothe mo re go itseng. Moo ke gotlhe mo re tlaa go reetsang; se se setseng se fetile. Re senka Jesu.

²⁹³ Wa re, “Jaanong, leta motsotsa, Mokaulengwe Branham, ke a dumela ba ile go dira *sena*.”

²⁹⁴ Sesupo sa bofelo se Aborahame... Mme rona re Peo ya bogosi ya ga Aborahame; Monyadiwa. Tshupo ya bofelo e Aborahame a kileng a e bona pele ga tshupo e e solofeditsweng e tla... morwa yo o solofeditsweng ne a tla, ne e le eng? Modimo, mo popegong ya motho wa nama, yo o neng a kgona go lemoga dikakanyo tsa batho; motho a le mongwe, eseng lesome le bobedi; monna a le mongwe, go sa kgathalesege gore ke diketsaetso di le kae. Ba ne ba na le a le Mongwe, mme O ne a lemoga dikakanyo tse di neng di le teng moo. Eng? Mme, selo se se latelang se se diragetseng, Aborahame le Sara ba ne ba fetogela morago ko lekaung le lekgarebeng. Re itse seo.

²⁹⁵ Jaanong, ke a itse moo ka mohuta mongwe go go kgama gannyennyane jaanong. Fela, gakologelwang, gore fela lo tle lo tlhomamiseng gore lo a itse jaanong... Ga lo bale Baebele

jaana; lo baleng fa gare ga mela mme lo boneng, lo dire gore setshwantsho se tlhagelele.

²⁹⁶ Elang tlhoko. Sara e ne e le mosadi mogolo, Baebele ne ya bua. Ena, bona . . . “Sebopelo sa gagwe se ne se sule.” A go ntse jalo? “Botshelo jwa ga Aborahame bo ne bo sule mo go ene, peo ya gagwe.” A go ntse jalo?

²⁹⁷ Jaanong, gakologelwang, peo ya ga Aborahame e ne e sule. Dingwaga di le masome a manê morago o ne a nna le barwa ba le supa ka mosadi yo mongwe. O ne a dira eng? O ne a fetola mebele ya bone.

²⁹⁸ Elang tlhoko, ba ne ba tsaya loeto lwa dimmaele di le makgolo a mararo, go fologela ko Gerare, loeto le le leelee tota la monnamogolo. Ne ba re . . .

²⁹⁹ Mme Sara eibile o ne a akanya gore ba ne ba ka se kgone go nna le kamano ya banyalani mo lelwapeng. O ne a re, “Nna . . .” Dingwaga di le masome a mabedi kgotsa go feta, gongwe, pele ga ba ne ba nna le kamano ya banyalani mo lelwapeng. Ne a re, “Nna mosadi mogolo, le morena wa me, le ene; re je monate gape, jaaka banana?”

O ne a re, “A go na le sengwe se se leng bokete thata mo go Modimo?”

³⁰⁰ Lemogang se se diragetseng. Ka bonako o ne a boela ko mothepeng yo o rategang. Go supegetsa, teng foo, go bonagatsa se A ileng go se dira ko Peong ya bogosi ya ga Aborahame, go amogela Morwa yo o neng a soloeditswe. O ne a fetogela morago ko go yo mmotlana . . .

³⁰¹ Lebang, ba ne ba fologela ko Gerare. Mme go ne ga diragala eng? Abimeleke, kgosi, o ne a ratana nae, ne a re, “O pila eibile o montle,” mme o ne a ile go mo nyala. A go ntse jalo? Mmamogolo wa kgale; le botlhe basetsana ba bangwe ba bantle bao golo koo. Mmêmogolo, “O pila. O montle go lejwa.” Lo a bona?

³⁰² Modimo ne a fetola mmele wa gagwe, mme a ba busetsa morago. Ke bosaitseweng jo bo tshwanetsweng go senolwa jaanong mo motlheng ona, ke Morwa motho, lo a bona, Molaetsa wa maitseboa. Lo a bona? Ne ba boela morago! Mme moo e ne e le sesupo sa bofelo se ba se boneng, e ne e le (eng?) temogo eo, pele ga phetogo ya mmele e tla.

³⁰³ Mme pele ga re ka ba ra amogela Morwa, go diragala eng? “Lonaka lwa Modimo lo tlaa gelebetega; baswi mo go Keresete ba tlaa tsoga pele, mmele o moša; mme rona ba re tshelang eibile re setseng re tlaa fetolwa, ka motsotsotso, ka ponyo ya leitlho,” haleluya, “mme re tla phamolwa ga mmogo, go kgatlhantsha Morena mo loaping.” Sephiri se itsisitswe; Dikano di bulegile.

³⁰⁴ Lonaka le porometse Iseraele; baporofeti ba babedi ba ipaakanyeditse go bonala. Gone ke eng? Kereke e tshwanetse e tswe mo tiragalalong gone jaanong, gore ba kgone go bonala. A ka

se kgone go dirisana le ba le babedi ka nako e e tshwanang; ga A ise a dire. Lo a bona?

³⁰⁵ Ao, mokaulengwe, ela tlhoko! Totatota, go bitsa botlhe, go ba biletsha kwa ntle ga makoko le dingwao. Jaanong re bona gore kereke ya paka ya pentekoste e fedile.

³⁰⁶ Monyadiwa o tshwanetse a gatele kwa ntle ga tsela, go ya kwa godimo jaanong; gore batlhanka ba babedi, batlhanka ba le babedi ba Modimo, mo go Tshenolo, baporofeti ba le babedi, ba kgone go bonala mo tiragalong, go poromisa Lonaka lwa Bosupa mo go bone, go ba itsise Keresete.

³⁰⁷ Moengele wa bosupa, morongwa, a re, “Bonang Kwana ya Modimo e e tlosang boleo jwa lefatshe!” Eseng, “bonang Momethodisti wa me, Mobaptisti wa me, Mopentekoste wa me.” Fela, “Lefoko, Morwa Modimo, Kwana ya Modimo e e tlosang boleo jwa lefatshe,” gonne ga go metheo epe e sele e e leng teng! Lo a bona?

³⁰⁸ Re na le lebaka le le kae? Bajuta ba kwa legaeng la bona. Monyadiwa o biditswe. Go ya ka Dikwalo, sengwe le sengwe fela totatota se A se sololeditseng. Re ipaakantse. Oura e fano.

Ditshaba di a thubega, Iseraele e a tsoga,
Ditshupo tse Baebele e di boleletseng pele;
Malatsi a Baditshaba a badilwe, ka dikepu tse
di dirilweng bokete;
“Boelang, Ao tlhe bafaladi, ko go mong wa
lona.”

Letsatsi la thekololo le gaufi,
Dipelo tsa batho di palelwa ka ntlha ya poifo;
Tladiwang ka Mowa wa Modimo, dirang
dipone tsa lona di nyetiwe di itsheke,
Lelalang! Thekololo ya lona e gaufi.

Baporofeti ba maaka ba a aka, Boammaaruri
jwa Modimo ba a bo latola,
Gore Jesu Keresete ke Modimo wa rona; (Go
ntse jalo.)
Fela re tlaa tsamaya kwa baapostolo ba
gatileng gone.

Gonne letsasi la thekololo le gaufi,
Dipelo tsa batho di palelwa ka ntlha ya poifo;
Tladiwang ka Mowa, dipone tsa lona di
baakantswe ebile di itshekile, (O seka wa
lekeletsa.)
Lelalang! Thekololo ya lona e gaufi.

³⁰⁹ Moporofeti ne a re, “Go tlaa nna Lesedi kwa nakong ya maitseboa.”

Go tlaa nna Lesedi ka nako ya maitseboa,
 Tsela ya Kgalalelong go tlhomame o tlaa e bona;
 Mo tseleng ya metsi, ke Lesedi gompieno,
 Le fitlhilwe mo Leineng le le rategang thata la Jesu.
 Banana le bagolo, ikothlaeleng maleo a lona otlhe,
 Mowa o o Boitshepo go tlhomame o tlaa tsena mo teng;
 Masedi a maitseboa a tlile,
 Ke ntlha ya nnete gore Modimo le Keresete ba Bangwe fela.

³¹⁰ Re fano! Re kwa bokhutlong, Moo ga se fela selo sengwe sa boeleele sa motho. Moo ke MORENA O BUA JAANA.

A re obeng ditlhogo tsa rona.

³¹¹ Modimo yo o boutlwelo botlhoko, Jehofa, Mothatiolhe yo o neng a dira tumo ya maru mo Thabeng ya Sinai; mme batho ba ne ba goeletsa, “A Moshe a bue, mme eseng Modimo, e sere ra swa.” O ne wa re, Jehofa yo Mogolo, “Ke tlaa ba tsosetsa Moporofeti. Ga ke tle go tlhola ke bua le bone jaana.” Fela O soloeditse se O tlaa se dirang, mme O se dirile; O re tsoseditse Morena Jesu. Ena ke Lefoko. O rile O ne a le jalo. “Ko tshimologong go ne go le Lefoko, mme Lefoko le ne le na le Modimo, mme Lefoko e ne e le Modimo. Mme Lefoko le ne la dirwa nama, la bo le aga mo gare ga rona.”

³¹² Re bona dilo tse A di porofetetseng mo go rona fano, ka moporofeti wa Gagwe, Johane, mo setlhakeng sa Patemose. Re go bona go diragaditswe, go ya tlhakeng. Re bona Mowa o o Boitshepo o bonatswa mo gare ga rona fano mo lefatsheng. Re bona makoko a Mo koba mo kerekeng; Lefoko. Ga ba na sepe kgatlhanong le batho; ke Lefoko leo le ba le tlhoileng. Go kgatlhanong le ngwao ya bone. Fela jaaka fa O ne o le fano mo lefatsheng, O ne o le Lefoko, mme O ne o le kgatlhanong le dingwao tsa bone; mme ba ne ba Go kobela ko ntle ga dikereke tsa bone, gongwe le gongwe.

³¹³ Mme jaanong, Morena, ga go na tirisanyo mmogo, gope. Ke leka le e leng go tsena ka mo Aforika Borwa, kwa ke itseng gore go na le mewa mengwe ya botho koo e e santseng e letile. Lefelo lengwe le lengwe, mme go lebega okare ga ba tle go nkamogela, Morena. Eseng ka ntlha ya me, Morena; ke ka ntlha ya Molaetsa ona. Fela, O rile go tlaa nna ka tsela ena, mme O go itsisitse gore re se tle ra kgobega marapo. Re itse oura e re tshelang mo go yone.

³¹⁴ Modimo, batho bana ba dutse fano mosong ono, mo phaposing ena e e mogote, e e besegang fano. Ba reeditse ka tlhoafalo. Ba a bona jaanong, ke tlhomamisitse. Fa ba sa dire,

go ba senolele, Morena, goreng e le gore ga O tle go ntetlelela ke tseye Dinaka tseo. Ke a bona ga go na sepe se se amanang le rona. Gone kwa Lonakeng leo la Borataro, gotlhe go diragetse, mme re setse re bone Sekano sa Borataro se bulegile. Mme re bone ponatshegelo fano, dibeke di le pedi tse di fetileng, ya pontshetso pele ya Monyadiwa le kereke, jaaka ke e boletse fano. Fela jaaka O ntshupegeditse, Morena, ke go boletse. Ke rona bano. Go ka nna ga bo go le thari go feta ka fa re akanyang ka gone.

³¹⁵ Ao tlhe Rara, fa go na le motho fano mosong ono, yo—yo o fetsang go tsaya tumelwana nngwe, tlhotlheletso nngwe ya thuto bodumedi le ditumelo, kgotsa lefoko la moithuti mongwe wa bodumedi le ditumelo le le leng kganetsanong le Lefoko la Modimo! Mme ga ba itse Keresete wa mmannete, Mowa o o Boitshepo wa mmannete. Ga Le a ba senolelwa, Lefoko, le fa go ntse jalo, ka fa Lefoko le tshwanetseng go nna ka gone mo motlheng ona. Ba bona fela ngwao. Ba tshela mo le—Leseding le le foufatsang. Jaaka borukuthi jo bogolo go gaisa jo bo kileng jwa dirwa mo lefatsheng, bo ne bo le ko Engelane, bo ne jwa dirwa ka lesedi la maaka. Mme borukuthi jo bogolo go gaisa thata jo kereke ya Gago e kileng ya nna le jone, go nnile fa ba ne ba tsaya lesedi la selekoko mme ba gana Lesedi thoothoo la Baebele, Keresete.

³¹⁶ Ao tlhe Modimo, nna le boutlwelo botlhoko! Pholosa ba ba timetseng, Morena. Tsweetswee, ke kopa fela lobakanyana go feta, Jesu. Re na le ba ba ratiwang. Fela lobakanyana go feta. Segautshwaneng Lefika le legolo leo le tlaa gajwa mo thabeng. Dumelela, Morena, fa ope a le fano mosong ono ntleng ga Gago, mma ba tle fela jaanong, ka botshe, mme ba Go amogele.

³¹⁷ Fa re santse re inamisitse ditlhogo tsa rona. Fa o tlaa tsholetsa seatla sa gago, o re, "Nkgopole, Mokaulengwe Branham." Ga re na... Dialetare le dilo di tletse. Modimo a lo segofatse. Bua fela o re, "Nkgopole." Modimo a go segofatse. Modimo a go segofatse. Modimo a go segofatse. Fela jaaka go kwadilwe makgolo a diatla!

³¹⁸ Modimo Rara, go na le moriti o monnye golo gongwe. O tlosetse kgakala, Morena. Ba dutse fano mo kamoreng ena. O seka... Satane a ka tswa a foufaditse matlho a bone, mo dinakong tse di fetileng, fela ke rapela gore O tlaa robela seo leitlho, jaaka O dirile mo go rona mo metlheng e le mentsi e e fetileng. Fela jaanong ka gore O re biletsha rotlhe mo go boneng... Baebele ne ya re ba ne ba foufetse. Ba ne ba sa go itse. Ne a re, "Ke lo gakolola gore lo reke mo go Nna setlolo sa matlho." Modimo, dirisa setlolo mosong ono mo matlhong a bone, gore ba tle ba bone. Le fa go ntse jalo go ikokobetse, mo segopeng sa batho ba ba ikobileng; le ba ba ikobileng, ba ba sa rutegang, le jalo jalo, fela le fa go ntse jalo eo ke tsela e go neng go ntse ka yone kwa tshimologong. Go dumelele, Morena, gore

ba tlaa Go amogela fela jaanong. Ke ba neela Wena, ka Leina la Morwao, Jesu.

³¹⁹ Mme O ne wa re, “Ena yo o utlwang Lefoko la Me.” Ke a tlhomamisa, Morena, bojotlhe jwa kitsa ya me, ba Le utlwile. “Mme a dumela mo go Ena yo o Nthometseng,” eseng boiketsisatumelo, fela a dumela ka mmannete, ebole a dumela se Lefoko le se buileng. “O na le Botshelo jo bosakhutleng, mme ga a tle go tlaa mo Katlhlong; fela o fetile losong go ya Botshelong.” Johane 5:24.

³²⁰ Dumelela, Morena, gore ba tlaa nna ba Gago, go tloga oureng ena go tswelela. Fa go na le go ipotsa mo monaganong wa bone, go tlosetse kgakala. Fa go na le motho yo o lwalang mo gare ga rona, mpe Mowa o o Boitshepo o mogolo, Morena, . . . Mo e leng gore, ke a itse gore o teng; ebole o senola dikakanyo, o eme fano mo seraleng. Ba itse gothe ka ga gone. Ke rapela gore O tlaa ba fodisa, Morena. Rarabolola dipotsa tsotlhe.

³²¹ Lekadiba le tlaa bulelwa bao ba ba iseng ba tibisiwe ka Leina la Jesu Keresete, ba tsaya Leina la Monyadi. Ba na le ga selekoko, la tsa boruti; ga go ope yo o kileng a kolobetswa ka ditlhogo tseo tsa “Rara, Morwa, le Mowa o o Boitshepo,” kgotsa a kgatšhiwa; le dilo tsena tsa ngwao tse e leng tsa dikereke tsa paka ena, maikaelelo a ga moganetsa-Keresete, setshwantsho sa sebatana. Ga go ope yo o kileng a kolobetswa ka leina la “Rara, Morwa, Mowa o o Boitshepo,” go fitlheleng kereke ya Khatholike. Baebele yotlhe, le ditso tsotlhe, morago, tsa re ba ne ba kolobetswa ka Leina la Jesu.

³²² Paulo ne a re, mo go Bagalatia 8:1, “Fa le e leng Moengele go tswa Legodimong a tla mme a rera efangedi epe e sele, a ena a hutsege.” Mme O ne wa laola batho bao ba ba neng ba kolobeditswe fa tlase ga Johane, ene yo o tshwanang yo o kolobeditseng Jesu, gore a tle mme ba kolobetswe gape ka Leina la Jesu Keresete, mo go Ditiro 19. Mme ne a re, “O sekä ebole wa letla Moengele a go bolelele sepe se sele.”

³²³ Go tlaa tla morongwa mo motheng wa bofelo, o tlaa kaela batho morago ko mabutswapeleng, morago ko Tumelong ya kwa tshimologong. Go dumelele, Morena, gore Morongwa yo mogolo yoo mo gare ga rona jaanong, Keresete yo mogolo, Mowa o o Boitshepo o dirilwe ka go itsheka, go dira thhaloganyo, go bula Lefoko le go Le re senolela, mma A ba kaela morago ko Tumelong ya kwa tshimologong, ya pentekoste. Jaaka Petoro a ne a bua, ka Letsatsi la Pentekoste, “Ikotlhaeng, mongwe le mongwe wa lona, mme lo kolobetweng ka Leina la Jesu Keresete gore lo itshwarelw boleo.” Mme gone ka metlha yotlhe go ne go le ka tsela eo, ko mothong mongwe le mongwe, go fitlhela kerekeng ya Roma kwa Nishia.

³²⁴ Modimo, nna le boutlwelo botlhoko jaanong. Lekadiba le tlaa bo le baakantswe; dipelo di bulegile. Tsena, Morena Jesu. Re

mo dioureng tsa bofelo. Fa go na le kgonagalo, Morena, ya bone ba ba tlang mo oureng ena; mo e leng gore, ke a solo fela ebile ke tshepa gore e teng. Mme rona ba re leng mo teng, Morena, mma re itlhatlhobeng jaanong, gore re bone ra ba ra utlwa Lentswe la Modimo le bua ka Lefoko la Gagwe, mme re itse gore ke oura efeng e re tshelang mo go yone. Go dumelele, Rara. Re ba neela ko go Wena, ka Leina la Morwao.

³²⁵ Jaanong ka ditlhogo tsa rona di obilwe:

Ka bonolo le ka lerato Jesu o a bitsa,
A go bitsa . . .



MOLETLO WA DINAKA TSW64-0719M
(The Feast Of The Trumpets)

Molaêtsa o ka Mokaulengwe William Marrion Branham, o nê wa rêrwa la ntlha ka Sekgowa mo mosong wa Letsatsi la Tshipi, Phukwi 19, 1964, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org